

清史紀事本末

清史紀事本末卷十一

開國法制兵制及官制

明神宗萬曆十五年春正月滿洲始定國政禁悖亂賊盜賦法制以立四十三年冬十一月滿洲置理政聽訟大臣五人札爾圖齊（蒙古語理事官也）十人佐理國事凡有聽斷之事先經札爾圖齊十人鞠訖然後言於五大臣五大臣親行覆審然後言於諸貝勒眾議既定猶恐有寬狹國主更詳問之詳慎訟獄國人稱之

十二月滿洲定兵制先是萬曆十一年滿洲以甲十三副攻圍倫城破之益厲兵力得以次削平諸部初定出兵校徵不計人數之多寡各隨族黨屯寨而行每人各取一矢凡十人設長一人領之其長稱為牛录額真後於二十九年正月間以諸國俘服人眾編三百人為一牛录每牛录設一額真（後改稱為牛录章京即佐領）至五牛录設一甲喇額真（後改稱甲喇章京即參領）五甲喇設一固山額真（後改稱固山章京即都統）每固山額真左右設兩梅勒額真（後改稱梅勒章京即副都統）初設有四旗旗以純色為別曰黃曰紅曰藍曰白至是增設四旗參用其色錄之幅之黃白藍者緣以紅幅之紅者緣以白共為八旗行軍時地廣則八旗並立地狹則八旗合一路而行軍士禁喧譁行伍禁攬越當兩軍交戰被堅甲執長矛大刀者為前鋒被輕甲善射者自後衝擊俾精兵立馬他處相機接應焉

曰十六年夏四月滿洲領定練兵之制其法每一牛录製雲梯二出甲二十以備攻城凡兵士自出兵日以至班師各隨牛录勿離如難本肅執而詰問之甲喇牛录等管官不以所領法令申誡

軍衆者各罰馬一匹。若諭之不聽，故違軍令者論死。凡攻城不得一二人爭先，競進若一二人輕進致受損傷者賞不及。雖戰死不為功。迨列陣既定，然後先登者始錄其功。有一二人先登陷城者，即馳告本旗大臣，俟一軍畢登，然後鳴螺，俾衆軍聽螺聲而並進焉。

四十八年春三月，滿洲改設八旗官，分總兵官為三等。其副將參將游擊亦如之。各牛录額真俱為備禦官，每牛录下設千總四人。後設蒙古漢軍各八旗，其旗色與滿洲八旗同。夏六月，滿洲設納言之木於門外，赴訴者書其狀而懸之木。

嘉宗天啟六年秋九月，滿洲主皇太極嗣位，集諸貝勒議定官制。初滿洲主努爾哈赤起自部落，諸事草創，設官甚簡。其後削平諸部，祇制八旗，每旗設總管大臣（即圓山額真）一，佐管大臣（即梅勒額真）各二。又設理政大臣五，札爾圖齊十，往往即以總管或佐管等兼之。不皆分授。至是建議，每旗仍各設總管大臣一，是為八大臣。凡議國政與諸貝勒偕坐，共議之。出獵行師，各領本旗兵行，一切事務皆聽稽察。其佐管大臣每旗仍前設各二。此十六大臣，督理本旗事務，不令出征。又每旗各設調遣大臣二。此十六大臣出兵駐防，以時調遣所屬詞訟，仍令審理。（後為駐防副都統前鋒統領護軍統領諸職）

思宗崇禎二年春三月，滿洲定蒙古軍例。夏四月，滿洲設立文館，命儒臣分直一編譯漢字書。一記註朝政得失。秋八月，滿洲定行軍賞罰例。

四年春二月，滿洲定出征軍例。秋七月，滿洲設立六部，每部以一貝勒主之（即管部）各有滿洲蒙古漢承政（即尚書）一，參政八（即侍郎）一，惟工部則十員。滿八蒙漢各二。啟心郎八。

即繕譯員一。惟工部二。滿漢各一。筆帖式無定額。視各部之事務繁簡而補授之。

五年春二月。滿洲主諭刑部禁賭博。定城守官三年考察之例。

九年春三月。滿洲改文館為內三院。一名內國史院。設大學士一。學士一。一名內秘書院。設大學士二。學士一。一名內弘文院。設大學士一。學士二。

夏五月。滿洲設都察院。

十年夏四月。命貝子堪羅託博與議國政。每旗復設議政大臣五員。

十一年夏六月。滿洲設理藩院。專治蒙古諸部事。秋七月。滿洲更定部院官制。先是部院諸衙門。設滿洲蒙古漢承政各三四員。其餘皆為參政。凡二等。至是大學士范文程等奏請。每衙門止設滿洲承政一員。以下酌量設左右參政。理事副理事。啟心郎。額者庫。即主事。各官。凡五等。從之。

清世祖順治元年冬十月。帝入京師。即位。定內外文武官制。內自閣部。至庶司。外藩臬守令。提鎮將弁。略訪明制而損益之。兼用滿漢人。又定八旗都統。副都統。統領駐防將軍。都統。副都統。均由兵部開列。具題補授。守衛。校。寢。總管。翼領。白塔。監守。信礮。總管。犧牲所。收黑龍江。吉林。管水手官。皆係八旗公中陞補之缺。均由兵部引見補授。在京。馳騎。參領。以下官。駐防。協領。以下官。由各旗引見補授。前鋒。護軍。參領。以下官。由各該統領引見補授。五品以上。咨兵部。月終。彙題。六品以下。咨兵部。註冊。其駐防。領催。陞補。馳騎。附入。月終。彙題。分置滿洲。蒙古。漢軍。八旗。於京城。內。設馳騎營。親軍。前鋒營。護軍營。領侍衛府。提督。九門步軍營。內府三旗。盛京八旗。駐防。直省。

八旗駐防隨各省形勢設將軍都統或但設城守尉防守尉直省綠營兵總督所屬為督標巡撫所屬為撫標提督所屬為提標總兵所屬為鎮標副將所屬為協標河道總督所屬為河標漕運總督所屬為漕標外著札薩克各旗凡二十五部為五十一旗守衛陵寢兵

二年夏閏六月除副都統及貫穿耳鼻法 秋七月增設御史十五員

三年夏四月裁各府掛銜別駐推官及大小縣主簿

四年冬十一月設四川總督一

五年春二月設六部漢尚書及都察院漢都御史各一員 定內外各衙門辦事吏員實歷五年

者即與考取佐貳雜職等官

六年春正月定內三院官制每院設學士侍讀學士侍講學士侍讀侍講各一 夏四月增戶部

十四司漢主事各一

八年夏六月定在京滿漢諸臣犯罪必奉旨革職然後送刑部審問 秋七月以翰林院官分隸

內三院稱內翰林國史院內翰林秘書院內翰林弘文院

九年春正月增都察院御史四十員夏四月裁各道御史二十員 設宗人府衙門

十年夏四月定御史為二十員六月制寺人不過四品

十一年夏六月照成例以太師太傅太保少師少傅少保及東宮三太三少用為文武大臣加銜

十三年春三月選滿漢詞臣八人以原銜充日講官 冬十月定每年六月內審定立決重犯俟

七月具奏正法

十三年秋七月定內外大小官員凡受職十兩以上者除依律定罪外不分枉法不枉法俱籍其家產入官。撤各省守備錢糧滿官。八月命三年一大開定高例。傳達滿官權關。冬十月

裁六科漢軍副理事官。

十五年夏五月裁直隸總督改設巡撫一節。秋七月設殿閣大學士除去內三院秘書弘文閣史諸名稱。增設各道御史三十員。分設閩浙兩省總督各一。九月設中和殿保和殿文華殿武英殿文淵閣東閣大學士。冬十一月定宮闈女官名數品級及供事宮女名數乾清宮夫人一秩一品淑儀二品婉侍六三品柔婉二十芳婉三十俱四品尚宮局尚宮司紀司言司簿各二司閩四女史六尚儀局尚儀一司樂二司籍司賓司贊各四女史三尚服局尚服一司仗四司賓司衣司師女史各二尚食局尚食一司饌四司醢司樂司供女史各二尚寢局尚寢一司設司銮各四司典司苑女史各二尚續局尚續一司製四司珍司彩司計女史各二宮正司宮正女史各二俱六品總掌宮員各一二品慎容一三品勤侍無品級。

十六年春正月諭吏部舊制內閣止有大學士及典籍撰文辦事中書原無學士侍讀學士等員今見在滿漢學士俱以原官留任嗣後不必再補典籍撰文辦事中書照舊滿漢兼設其滿官侍讀學士以下各員俱改為中書舍人仍照見在品級加銜應用員數察照職掌會同內閣議奏翰林院設滿漢掌院學士外不必再設滿漢翰林官。閏三月申嚴誣告之禁。五月照舊例設侍讀學士侍講學士侍讀侍講各三員。冬十月定進士除庶吉士外若俱以推官知縣用不得除授知州因品級太懸也。

十七年春正月。禁士子不得妄立社名。糾眾盟會。其投刺往來。亦不許用同社同盟字樣。違者治罪。三月定八旗漢字官名。固山額真。漢字稱為都統。梅勒章京。漢字稱為副都統。甲喇章京。漢字稱為參領。牛录章京。漢字稱為佐領。昂邦章京。漢字稱為總管。滿字皆依舊。秋七月。停遣御史。巡按各省。冬十一月。仍設巡按御史。

十八年夏五月。停各省巡按差。秋七月。後改內閣為內三院。罷進士觀政例。八月。定直省各設總督一員。九月。增設直隸山西山東河南雲南五省提督。冬十月。裁順天巡撫。歸保定巡撫兼管。以直隸已設總督故也。十二月。定營千總為正六品。把總為正七品。

清史紀事本末卷十二

康熙勤政

世祖順治十八年春正月聖祖即位時年八歲索尼蘇克薩哈邁必隆贊拜等遵遺詔輔政首罷十三衙門停止各省巡按差定司道及河工官員久任之法豁免山東臨街房屋稅及各省田賦增加餉練蠲通賦禁非刑中外翕然稱頌夏五月設江蘇秀才俛用賓等十八人初江蘇吳縣知縣任維初貪酷用賓等於世祖遺詔到蘇巡撫等官哭臨之時聚哭於文廟並至府堂進揭帖巡撫朱國治等指為震覺先帝之靈聚眾倡亂搖動人心請嚴加詰處朝命侍郎葉尼等往勘皆定為不分首從處斬

聖祖康熙二年秋八月詔鄉會試停止八股文改用策論表判頭場策五篇二場論二篇表一篇判五道以明年甲辰科為始未幾仍復舊例復行滿洲蒙古漢軍繙譯鄉試福建延平等處土匪王鐵佛作亂討平之冬十二月廣西隴納山民阿仲作亂討平之

三年春正月欽定會典例夏四月輔臣蔡瑋等奏內大臣飛揚古等奏拜與飛揚古有隙說坐其子倭赫等以德乘御馬諸罪獲市並坐飛揚古守陵怨望與其子尼侃薩哈邁俱坐絞五月以旱禁直省鋸囚毋用非刑苛虐秋九月江南地震其聲自南而北冬十月彗星見經五十餘日

應一十三宿十一月金星生白氣長三文餘

四年春正月水西蠻酋安坤作亂吳三桂討擒之彗星見女宿庚三月金星晝見夏六月

雲南省城迤東土酋王耀祖據新興借號大慶吳三桂破擒之冬十月江南獻玉壘溧陽縣民



顧起龍榜獲玉璽篆人心惟危道心惟微惟精惟一允執殿中十六字。總督卽廷佐以獻。命貯內庫。

五年春正月雲南土酋祿昌賢作亂吳三桂討平之。十二月釐拜矯詔殺大學士戶部尚書蘇納海。直隸總督朱昌祚巡撫王登暉釐拜與蘇克薩哈不協釐拜諫黃旗蘇克薩哈諫正白旗乃以私意倡互相圍換之議蘇納海等言其不使疏入釐拜大怒欲置三人於死帝不允釐拜矯古行之。

六年春二月吳三桂進征烏撒女酋隗氏討擒之。秋七月帝親政御太和殿受誓頌詔赦。釐拜矯殺太子太保內大臣蘇克薩哈蘇克薩哈既與釐拜不合奏求守陵釐拜必欲置之死奏言其有異心列其二十四大罪應置極典帝悉其情持不下釐拜攘臂強奏累日竟予絞決並滅其族。九月詔停本年秋決。

七年春二月詔訪求精通天文占候者。三月命科道缺出卽就有司內舉賢能素著者行取來節聽候選用。停叩關例有冤抑者准赴通政使司登聞鼓衙門告理。夏五月金星見午位色微暗。浙江嘉善民郁之章有罪流徙尚陽堡子郁復郁廣爭請代特並宥之。六月以亢旱地震飭廷臣修職業詔內外清理刑獄。革職漕運總督吳惟華密疏請撤各州縣鎮市房號銀兩及江南三十餘洲令民納價耕種帝怒其害民斂財交刑部議。六月金星晝見山東地大震樓霞山震沂水陷穴廣數丈民間井傾仄不可汲樓臺南北易向。秋八月命刑部酌定見行則例進覽。九月金星晝見停止邊外巡幸帝欲出邊收獵內秘書院侍講學士熊賜履疏諫言星變

登魁水旱頻仍，不宜輟出，以致兵民困苦。給事中趙之中亦請收回成命，遂命停罷。

八年夏四月癸亥朔日食。帝幸太學。五月，禁拜有罪下獄。禁拜賤惡日甚。帝患之，召吏部右侍郎索額圖入謀。索額圖乃請解侍郎任，為內廷一等侍衛。日選小侍衛十餘人，教之習布庫戲。譯言捺脚戲，皆十餘齡小童，徒手相搏而專賭脚力勝敗，以仆地為定。禁拜或入奏事，並不之避，益以朝廷弱而好弄，更無復顧忌。是日入內，忽為習布庫者所擒，十數小兒立執之付詔獄。廷勘罪狀三十款，令免死拘禁之。初，熊賜履條奏時政有曰：內臣者外臣之表也。又曰：輔臣急功喜事，但知趨目前尺寸之利，以便私圖，誓拜惡其伎已。曰：是勸我也。遂請治以妄言之罪，並請申禁言官，不得上書陳奏。帝弗許，曰：彼自陳國家事，何與爾等耶？秋七月，以旱命清理刑獄。九月，京師地震。冬十二月，復舉人揀選知縣例。雲南阿戎作亂討平之。金星晝見。

九年夏四月，河決歸仁隄。秋八月，命改內三院為內閣。帝奉太皇太后、皇太后，謁孝陵，尊遣京師。九月，命禮部於官學生內，每旗選取十名，交欽天監分科學習，有精通者，以滿漢博士用。冬十月，改內三院大學士銜，以圖海巴泰為中和殿大學士，兼禮部尚書。索額圖、李蔚為保和殿大學士，兼戶部尚書。杜立德、魏裔介為保和殿大學士，兼禮部尚書。對哈納為文華殿大學士，管刑部事務。

十年春正月，罷各部院及各省將軍衙門通事。夏四月，命截留漕糧六萬石，並各倉米四萬石，賑濟淮揚饑民。先是戶部議發銀六萬兩賑饑，帝曰：饑民待食甚，迨于銀無益也。五月，御史趙瑛奏請加增外官薪俸，報聞。疏內略稱：外官俸薪太薄，總督每年支俸百五十五兩，巡撫百三十

兩至知縣止四十五兩。每月三兩零。不足五六日之費。不取之百姓。勢必饑寒。若督撫勢必取之。下屬。所以懲貪而愈貪也。六月金星晝見。江南旱。秋七月禁止百姓保留降調人員。從御史徐旭請也。九月帝奉太皇太后皇太后詣盛京謁陵。冬十一月還京師。

十一年夏四月召原任大學士銜周祥來京。命入閣辦事。六月頒聖諭十六條。

十二年夏六月金星晝見。冬十二月。民人楊起隆詐稱朱三太子。改元廣德。約滿洲各官奴將於元旦起事。降將周全斌家為。鑲黃旗監生郎廷樞首告。都統圖海等捕之。起隆逸去。擒其黨李株等數百人。磔於市。

十三年秋九月京師地震。

十四年夏四月命信郡王鄂札為撫遠大將軍。大學士圖海副之。率師討蒙古察哈爾。平之。察哈爾。元裔也。崇德時來歸。編旗安置義州。忽擁眾叛。圖海軍至。連破之。擒斬其王子布爾尼。察哈爾平。冬十一月太白晝見。

十五年夏五月壬午朔日食。是月有星隕於江南青浦之瓢湖。墜地有聲。掘之得黑石。按之尚熱。重凡十九斤。秋七月大學士熊賜履免歸。以閣臣索額圖劾之也。

十六年正月朔聞雷。九月帝獵於邊外。冬十月還京師。十二月太白晝見。

十八年秋七月京師地震。詔羣臣各言得失。時帝晝夜坐武帳中。憲臣魏象樞直入奏曰。天變若此。乃輔臣植黨市權。引用貪壬。以刺蒸黎之應。帝不答。

十九年秋八月大學士索額圖以疾求罷。命於內大臣處上朝。冬十二月磔楊起隆於市。大將

軍圍海解送陝西起事之朱三太子即楊起隆來京及與前監禁之楊起隆妻馬氏及其黨鄭得勝質封皆不識部議為顯係起隆之黨借名造反罪應磔從之十月彗星見於冀十一月彗星見西方

二十年春正月命兵部右侍郎溫代疏濬通州運河二月詔開海界先是濱海居民私餉臺灣鄭氏順治十八年遂下令遷界民多蕩析難居滿兵復奴其老稚蕪楚不忍聞閩省姚啟聖屢奏旗兵不服水土康王體募亦不宜久暴露宜撤歸疏三上始命班師兵歸者猶驅子女北行至是啟聖又與撫臣吳興祚奏請開邊界復民業從之頒發帑銀二十萬兩賑山西饑民三月河南地震秋八月辛巳朔日食九月辛酉旬自後以肄習水圍猶視河隄歲常舉行

二十一年春二月殺楚人朱方旦等方旦荆州人刊刻秘書其徒顧齊宏陸光旭等為之標榜時有宣聖復生之稱大將軍順承郡王勒爾錦駐荆州時書贈至人里聖人堂匾額巡撫張朝珍亦書為題聖教帝師匾額方旦等既伏法帝以勒爾錦見在羈禁朝珍已病故俱予免議三月帝從於烏喇時南溥待從憲臣徐元文率言官三十人入諫帝曰方春省耕不出旬日回非游政也遂啟行夏五月還京師秋七月彗星見井宿度尾文二尺餘

二十二年春二月帝幸五臺山終帝之世凡幸五臺者五不備紀三月還京師夏四月命邊疆提鎮官有應入覲者奏聞時邊疆將士不習國家法度帝嘗降勅廣西將軍馬承胤軍中承胤跪受諸將驚曰我將軍亦跪人耶至是憲臣禧佛疏稱海內大定宜令提鎮次第入覲帝因語羣臣曰提鎮久握兵權心意驕縱故每致生亂常來朝見則心生敬畏如吳三桂輩亦以不令來朝

始至於此也。羣下皆拜服。六月帝奉太皇太后出古北口避暑。自是每年五六月出口。不備地。

秋七月遷京師。

二十三年九月帝東巡。先是詞臣曹禾以帝功德日盛奏請封禪。科臣王承祖奏請巡狩。並付廷議。工科給事中任辰旦獨上疏諫。言封禪之說。惟秦始皇漢武帝宋真宗諸君行之。罔獲隄。無足道矣。若夫巡狩。載舜典。王制諸書。古諸侯各君其國。天子巡所守。以協同。該禮制度。今天下一家。巡狩之禮。亦不可舉。疏入不報。尋部臣議上。虞舜東巡。至於岱宗。燔柴致祭。漢高過魯。以太牢事孔子。今皇上盛德神功。同行堯舜。仿古之制。爰事東巡。經過泰山關里。亦應致祭。至是啟鑿東巡。青山東登泰山。渡黃河。揚子江。幸鎮江。蘇江。寧。還經泗水東境。幸曲阜。謁孔陵。始回鑿。自是高

巡凡六次。詳第十三卷治河篇。冬十一月遷京師。是年直隸河南饑。

二十四年秋九月。賦役全書成。淮揚饑。冬十一月癸卯朔日食。丁巳望月食。

二十五年春二月。詔嗣後武官。照文職例。丁憂。從四川提臣何傳請也。先是下廷議時。帝語閣臣曰。武官不宜久任。在昔唐室藩鎮。驕蹇跋扈。皆由久典兵權耳。乃丁憂之例既定。自不致久任矣。

夏四月。詔訪求遺書。帝欲親一天下之言論思想。飭令直隸督撫學道。購收民間藏書秘錄。務期搜訪。登載。送部進呈。以免異端。詭說。流播民間云。閏月。江蘇巡撫湯斌奏。毀蘇州府城上方山五通法祠。同時閩督郭世隆亦檄毀五顯廟。秋七月。帝獵於邊外。自後每歲。以秋冬農隙。講武之時。出邊行獵。不備紀。

八月遷京師。冬十二月。發遣兵部侍郎。恭誠。崇於黑龍江。因前在雲南。隱匿吳三桂家口也。誠崇前官。緩遠將軍。平三桂有大功。諸滿帥忌之甚。相與構陷。遂獲罪。

二十七年春二月琉球遣子弟梁成楫等三人入監讀書大學士明珠李之芳余國柱尚書佛倫蘇一灝科爾坤同日罷因言官郭琇劾諸人背公營私也先是二十二年天久不雨命履常德格勅益之遇兵卦曰澤上於天將降矣而卦義五陽決一陰小人居鼎餒故天屯其責決去之即南帝愕然曰安有是德遂以明珠對帝默不應夏四月朔日食六月武昌兵變推夏達龍為首事聞命都統瓦岱往討平之

二十八年秋七月勒令原任少詹事高士奇左都御史王鴻緒編修陳元龍休致因左都御史郭琇劾諸人植黨營私也冬十月降副都御史許三禮二級調用以疏劾原任刑部尚書徐乾學潛住京師招搖及其子樹穀違例考御史事部議坐以誣罔也

二十九年夏四月大清會典成五月大學士徐元文等薦舉麻城知縣趙蒼璧清苑知縣邵嗣堯三河知縣彭鵬靈壽知縣陸胤其俱著行取八月己未朔日食

三十年春二月丁巳朔日食

三十一年春正月辛亥朔日食欽天監占主有大臣黜近臣有惡帝責其附會嚴斥之

三十二年冬十二月嚴禁順永保河諸府造酒時以蠶輔米價騰踴故也

三十三年夏五月命提督順天學政兵部右侍郎李光地解任回京守制光地聞母喪僅乞假數日治喪仍視事言官沈愷曾楊敬儒交章論劾給事中彭鵬疏放光地為忘親貪位帝大怒嚴旨詰問鵬執奏愈力並言臣與光地皆閩產今若此人人切齒梟梓汗顏帝不得已因令光地解任在京守制

三十四年夏四月山雨平陽地震屋瓦人民其眾詔曰適者武備郡縣災傷宜告而山西平陽府屬復有地震之異朕心祇惕謂必政事之失宜方致陰陽之有感反躬循省深懼予辜六月以京師久雨詔廷臣言事

三十五年春正月京師地震夏六月東南濱海颶大作海嘯秋七月濱大風壞民店廬舍八月京師地震冬十二月京師地震

三十六年春閏三月辛巳朔日食冬十一月京師地震

三十七年秋七月京師地震江南濱海大風水猝至平地丈餘帝奉太后出山海關謁陵冬十一月遷京師

三十八年冬十一月速順天鄉試正副考官修撰李蟠編修善宸英下獄因御史鹿祐疏參是科考試不公後集中式舉人於內廷覆試去留有差蟠遣戍宸英卒於獄時滿朝臣僚皆知是獄之冤王士禛亦有我為刑官今西漢以非罪死何以謝天下之語西漢宸英字也

三十九年春二月貴州省城地震

四十年冬十二月連山徭人作亂討平之

四十一年夏五月東南海嘯六月火星入南斗

四十二年秋九月湖南鎮筸紅苗作亂討平之冬十月帝巡太原十二月遷京師

四十三年夏四月革直隸巡撫李光地職仍留任先是給事中黃鼎植湯右曾許志進朱駿業王原等合疏劾光地去職報災二十餘處光地身為撫臣漫無經理疏內所稱民沾實惠俱屬空言

疏下光地回奏。光地引咎請落職命留任。冬十一月丁酉朔日食。

四十四年秋八月京師地震。

四十五年春二月京師地震。江寧知府陳鵬年落職命來京在修書處劾。初江督阿山以帝

將後南巡召屠吏議加贖鵬年力爭不可阿山銜之四十四年帝至江南使鵬年朝龍潭行宮差

近待索賄不與竊置蚯蚓真於軍席間帝召鵬年詰問將加罪以致仕大學士張英織造使曹寅

力諫得免死駕幸金山罰鵬年登石挽舟諸苦工以辱之民趨助役至是阿山劾其受贖典商年

規餽龍江關稅落職下之獄命漕督桑額河督張鵬翮會鞫民皆罷市揭帛鳴鉦環制府問太監

見劾之由有司械繫數人爭就覈旬容八邑生童方就試詳曰讀書何為也皆火其卷去獄者以

三木訊商人商人曰歲餽自督撫至州縣皆有之惟太守不受一錢耳既招撫無所得則以鵬年

嘗逐得建亭其地月朔宣講聖諭為大不敬獄成論斬大學士李光地入諫得解未幾復授蘇州

府知府復忤總督噶禮下獄指所作游虎印詩為怨望帝仍令免罪入武英殿修書後終河道總

督。夏四月戊子朔日食。冬十二月命各省建育嬰堂從言官周清源請也。

四十六年春正月詔雲南民李天極王枝葉等天極廣通縣諸生與臨安府諸生朱六非等以枝

葉本朱姓為明永應帝之孫奉為王稱桂王文興三年潛期先取廣南次取開化由蒙自襲省城

督臣貝和諾得標兵首報發兵擒斬之。秋八月貴州普安州三江苗人黃柱漢等作亂討平之

四十八年冬十月設編修熊本。本孝感人為故閣臣熊賜履從子賜履卒於江寧寓室貧無以殮

本為之治喪事盡禮人高其義及遺疏入中有薦本語帝疑其僞命督臣噶禮確察噶禮取疏草



進無本名本洛賦論死或曰噶禮迎合倭忌所呈疏草未可據

四十九年春正月朔虹見東方夏五月南方雷雨大水秋八月福建提督藍理職理奏永春德化間有陳五顯等聚眾二千餘行劫臣令參將尚之璠親兵往剿兩次殺賊八十餘中傷脫逃者不計其數附近賊巢仍不廢耕織照常安業帝謂數千人為盜何得謂百姓不失業此係掩飾已過希圖卸罪命嚴議致落職

五十一年夏六月朔日食冬十月單江南總督噶禮職噶禮與江南鄉試副考官趙晉通關節事於撫臣張伯行劾之禮亦許伯行不出洋捕賊諸款命俱解任交欽使張鵬翮等雜治時鵬翮之子懋誠任懷寧令故於噶禮多瞻顧奏晉與新科舉人陳光奎吳泌賄通關節擬罪如律噶禮初伯行不能清理案件屬實餘係苛求應降留伯行劾噶禮索全事全虛應奪職發徒復命尚書穆和倫等覆訊奏如前帝以伯行為天下清官第一責諸臣變亂是非命伯行復任噶禮職

十一月籍沒福建革職提督藍理調入旗初理在提督任內好干預民事或曰此有司職也非所宜問理曰天下官管天下百姓腐儒何足以知之妒之者因刻匿名帖繪一虎以比之多列罪狀督臣范時崇撫臣滿保據以參奏命侍郎和託等往按左右不承理曰吾大臣何必辨舉筆書曰皆實議立斬追贖八萬籍其產特旨免死入旗帝出關謁陵十二月回京師

五十三年春二月以旱詔廷臣言事夏六月詔刑部寬卹獄囚

五十四年春二月單江蘇巡撫張伯行職伯行初布政使奉欽元藏匿通洋匪棍張令濤令濤信為噶禮幕客故伯行必欲死之命尚書張鵬翮往勘尋奏令濤良民伯行誣劾擬斬帝不允命來

京入直尚書茂。疏推倉場總督。夏四月丙寅朔日食。望庚辰月食。秋七月東南各省颶風暴作。冬十月山西太原府知府趙鳳詔以受贓十七萬有奇伏法。鳳詔尚書趙申喬子。申喬自請罷斥。命仍在任供職。

五十五年春二月定民間買賣地畝其丁隨地輸課從言官董之燧請也。夏六月辛。

五十六年夏四月嚴禁天主教在各省立堂傳教天主教來自西洋康熙八年有旨嚴禁至是廣東碭石鎮總兵陳昂疏言廣州城內外教堂布滿乞飭早為禁絕部議從之。

五十七年夏四月磔河南民袁進即朱復業等於市初蘭陽縣有郭英者自稱前明勳裔以同邑幼童朱復業為明周王之孫撫養家中詭名袁進欲效郭子興撫太祖故事勾結白蓮教首李實臣與郭父子匿邑諸生李山義家潛謀舉事為縣令偵知捕獲撫臣張聖佐以聞命尚書張廷樞審論如法。五月既望有羣蟻自海入江南之吳松江風浪衝擊團結不散有大至徑寸者。秋七月陝西平涼鞏昌府屬地震。八月收鑲藍旗逃棍孟光祖光祖稱奉誠王府差遣往各省誑騙財物棄於市江南巡撫佟國勳四川巡撫年羹堯不將光祖挈獲反接受物件餽送禮物國勳年羹堯先年職留任。

五十八年春正月甲戌朔日食。命截留漕米四十三萬貯蘇州鎮江江寧淮安安慶賑荒。

五十九年春正月王大臣等以帝明年御極六十年請預定慶賀典禮不許諭曰見在西陽用兵軍民勞苦去歲正月朔日食今年七月初又值日食海洋颶風飄沒官兵船隻山左東三府水發被淹黎民饑饉淮黃大水僅能搶護人心風俗未盡醇官箴政事未盡理此正君臣孜孜求治之

時慶賀之儀者停止。夏六月禁商船以軍器出洋。

六十年春三月會試副考官副都御史李斌奪職發往永定河工効力。是科會試榜發下第舉子  
擢斌即舍喧嚷為言官舒摩等所劾免官發遣。夏五月直隸山東山西河南陝西福建浙江饑

六月安徽大旱。秋九月河決河南山東直隸等處。冬十月臺灣風災。

六十一年春正月召滿漢文武諸臣及致仕退斥人員年六十五以上六百八十八宴於乾清宮  
前名于安寔。夏四月福建駐防將軍黃東斌奪職因防兵譁餉也。帝在熱河諸王大臣等曰前  
有以朕每年出口行虜勞苦軍士者不知國家承平雖久豈可不修武備如前噶爾丹策妄阿刺  
布坦等使朕兩次掃平漠北救民水火此皆朕平日不忘武備勤於練兵之所致也若前惑於  
人言憚勞苦而不加訓練又何能遠至萬里之外滅賊立功耶。秋七月夜有大星流入斗垣。  
九月帝還京師。冬十一月帝崩壽六十有九四子胤禛嗣立諡帝曰仁廟號聖祖。葬遵化州孝  
陵東馬蘭峪號景陵。

清史紀事本末卷十三

三藩起事及孫延齡

聖祖康熙元年夏五月叙平滇功進封吳三桂親王。初世祖定鼎東南時有不靖因命定南王孔有德循廣西平南王尚可喜靖南王耿仲明循廣東平西王吳三桂循四川及雲南及南方略定命諸王各帥所部練兵留鎮其地時有德已死無子爵降仲明亦卒子繼茂襲封於是三桂王雲南可喜繼茂王廣東尋從繼茂王福建繼茂卒子精忠嗣是為三藩並建之始三桂西征留長子應熊於京師以固朝廷意應熊旋尚主居京師朝政巨細無所不悉三桂以是包藏禍心日伺釁以動世祖嘗天三桂擁兵入臨前驅至燕者人馬塞途居民走匿朝廷恐其為變令於京城外依幕設奠三桂哭臨成禮而去

六年秋七月平西王吳三桂以目疾求解雲貴兩省事務許之帝親政欲實行中央集權之制知藩鎮強大非國家之利陰為之備而諸藩始不自安三桂因上疏詭稱目疾疏辭兩省事務以相當試帝令將該藩所管各項事務責令該督撫管理其大小文官均由部題檢九月雲貴總督卞三元提督張國柱李本深合詞請命平西王吳三桂仍總管滇黔事務優詔答曰該藩自以年力就衰奏請改派今若令王復理事務非所以示體恤遇有軍機重要王自知料理也

十二年春三月命平南王尚可喜撤藩回遼時之信失愛於父可喜欲廢之而立之孝因疏請歸老遼東留之信鎮粵莫得見帝自憐也廷議慮之信擬定留粵疏危難制因請令蓋從全藩回籍秋七月命靖南王耿精忠統帥藩兵來京候旨平西王吳三桂移鎮山海關外精忠三桂聞允

撤粵藩。因亦同時疏請安插。以探廷旨。時廷議請勿徙滇藩。而尚書米思翰明珠吳洛等。則力主同撤。冬十一月。吳三桂反於雲南。時侍郎哲可肯等。奉命辦理撤藩。在滇促行甚急。且時復凌辱其將吏。將吏皆怒。三桂乃下教會諸將曰。今行期迫矣。朝廷之嚴譴不可逃也。惟是故君永思帝之陵寢在焉。可無別乎。諸將皆再拜聽命。於是卜日謁陵。先期復集諸將謂之曰。別故君當以故君之衣服見。諸君其預圖之。皆曰諾。至日。各具漢官威儀集陵下。三桂方巾素服。酌酒。山呼再拜。恸哭。伏地不能起。三軍皆哭。聲震如雷。人懷異志。將行。後稱疾不起。撫臣朱國治驅之。愈。三桂堅卧不應。激諸將曰。老夫與諸君有大勲於王室。章皇帝不以老臣為不肖。錫之藩封。載在盟府。今撫臣一外吏。相凌乃爾。一旦入圍門。付廷尉。我輩豈有生路耶。諸將忿然出。羣執撫臣殺之。三桂乃移檄遠近。發兵反。自稱天下都招討兵馬大元帥。以明年為周元年。貴州巡撫曹申吉。貴州提督李本深。雲南提督張圖柱。皆起應之。雲貴總督甘文焜聞變。自貴陽趨鎮遠。戰敗自殺。十二月。命順承郡王勒爾錦為寧南靖寇大將軍。統師赴荊州討吳三桂。先遣都統巴爾布等。帥滿洲旗兵守常德。都統珠滿等。以步兵三千守岳州。都督尼雅翰赫業席布根。特穆占佟圖瑞等。分馳西安。漢中。安慶。袁州。鄖陽。汝寧。南昌諸要地。聽調遣。又以滇蜀接壤。命西安將軍瓦爾哈。帥騎兵赴川中。

十三年。春正月。吳三桂遣其大將馬寶犯湖南。陷沅州。常德。澧州。長沙。岳州。相繼降。同時四川巡撫羅森。提督鄭懷麟。總兵譚洪。吳之茂。以四川應三桂。二月。撫鹽將軍孫延齡。反於廣西。以應吳三桂。三桂封為臨江王。延齡為孔有德女四貞之婿。初授和碩額駙。內輔政大臣。都勒機昂。邦。

世襲一等阿思尼哈番。順治十七年。授鎮守廣西將軍。尋特進上柱國光祿大夫。三桂反。廷議以廣西境隣貴州。授延齡為撫寧將軍。令嚴兵固守。至是叛。自稱安遠大將軍。三月。耿精忠據福建。反。自稱總統。統天下兵馬大將軍。裕民元年。分三路出寇。嘗養性出東路。據浙之溫台。白顯忠出西路。據江西之廣信。建昌。饒州。馬九玉出中路。據浙之金嚴。衢。嚴。又約臺灣鄭經。潮州劉進忠。內外交擊廣東。帝使其弟聚忠赴閩招諭。至衢州。拒不納。命內大臣布爾根為定南大將軍。帥師討之。夏四月。賜吳三桂子應熊及其長孫世霖死。時三桂親赴常德督兵。而今其從子應麒守岳州。布重兵於澧州石首。華容。松滋。間為犄角。赴勦諸軍雲集。荆州無敢遣一旅渡江與之角者。至是。命貝勒尚善為安遠靖寇大將軍。勦勒爾錦。進圍岳州。三桂乃分兵。一由長沙出江西。一由四川窺陝西。其出江西者。分擾袁州吉安。境與耿精忠之軍合。隔三十餘城。聲勢張甚。秋九月。命安親王岳樂為定遠平寇大將軍。帥師赴廣東。時潮州總兵劉進忠暗通耿精忠。引閩兵入潮州。廣西提督馬雄。左江總兵郭義俱降吳三桂。廣西全省震動。冬十二月。帝議親征。時陝西提督王輔臣叛於寧夏州。劫殺總督莫洛。定西大將軍貝勒著額遜守漢中。帝切責親兵諸將帥。不遵指授。遣延觀望。致有此變。因下親征之議。後以羣臣力諫乃止。

十五年。春二月。尚之信叛降吳三桂。三桂授之信。招討大將軍。封輔德親王。先是。之信之父可喜。因東西受敵。又內制於之信。力不支。乞師往援。詔以鎮南將軍舒恕副都統。并依圖引兵赴之。之信聞師至。改幟易服。以變嚴兵。守可喜府。移檄諸郡。出師侵犯江西。可喜專以憂卒。六月。撫遠大將軍都統阿海等擊敗王輔臣於平涼城。北輔臣降。秋九月。康親王傑書兵入閩。破馬九玉。

之衆於衡州時白顯忠賴兵廣信窮蹙乞降。冬十月傑書兵抵延平，耿精忠降。時精忠兩路之師俱獲，又內迫於鄭氏，聞延平已失，大懼，遣子顯祚赴延平，迎師至福州。精忠帥所屬文武出降。帝命選精忠僮僕仍統其部衆。冬十二月，以額駙耿昭忠為鎮閩將軍，駐守福州。是月吳三桂遣其從孫世琮引兵入桂林，擒設孫延齡。延齡故與馬雄有怨，雄既降附三桂，三桂以雄為東路總督，延齡與之共事，而畏其逼已，乃復萌反正之意。其妻孔四貞日夜以恩德為言，勸其反順。計已決矣。雄伯知之，許諸三桂，謂延齡有異志，宜急除之，遂被害。

十六年夏五月，莽依圖兵入韶州，尚之信降。先是之信告三桂，徵餉，頗萌悔志。至是聞莽依圖軍至，帥軍民迎降，詔之信襲父平南王爵。

十七年春三月，吳三桂稱帝於衡州，國號大周，建元昭武，專改利用，升衡州府為定天府。時三桂既失陝西福建廣東三大援，又失江西，疆宇日蹙，財力漸竭，知大勢已去，恐將士解體，欲僞示威重，以維人心。於是建號改元，置官封拜，頒製新曆，舉行宴賞，鄉誦以號召遠近。三桂初於難時，撤文中以復明為詞，於時洛邑頑民猶思祿父，故義旗一搢，所在響應。及聞其南面稱孤，妄自尊大，由是天下解體，角材而至者皆思有以誣之矣。夏六月，吳三桂兵攻永興，不克，圍之。秋八月，吳三桂卒，孫世璠嗣立，改元洪化，遣將馬寶等三面環攻永興城，垂溫是役也。三桂以永興為衡州門戶，勢在必得，時簡親王喇布軍屯茶陵，不敢發，穆占在郴州，遣兵來援，亦不敢進。都統伊里布、副都統哈克山相繼戰歿，前鋒統領碩岱等協力死守，城屢瀕於危，會三桂死，諸將拔營回衡州，圍乃解。

十九年秋八月平南王和碩額駙尚之信賜死之信既降從征廣西駐軍宣武會其弟之孝謀篡藩位令藩下人弘士邀赴京控之謂之信心懷怨望放言訕上都親王國棟者故旗下逃人之信受之倚為心腹至是亦附之孝構成罪狀朝命侍郎宜昌阿等馳往按問之信聞詔即解印還廣州上疏待罪詔解京對簿李天植者藩下總兵也惡國棟賣主誘殺之撫臣金傑艷之信富索賄不得羅致其獄以聞天植坐謀反伏誅同死者一百八人之信賜死之節之瑋之璋並坐斬

二十年冬十月定遠平寇大將軍彭泰等分兵三路入滇吳世璠自殺雲貴平初世璠既立不敢居衡陽退駐貴州恃川湖貴為屏蔽時湖南有安親王廣西有傅宏烈等四川有平涼提督王進寶陝西提督趙良棟皆累戰累捷吳應麒自岳州走常德尋復棗城通長衡相繼下同時宏烈等亦攻克桂林進寶克漢中王屏藩退守保寧俄自殺良棟亦於是時克成都會朝廷以貝子彭泰代岳樂進取雲貴命總督蔡毓榮節制漢兵先進撤廣西四川陝西三道之師合趨雲貴而自帥平定湖南之師出沅州由平越趨貴陽世璠走雲南遂乘勝西進與賴塔會師於曲靖軍抵雲南良棟帥川師與賴塔閩粵之師亦至合圍攻克之世璠自劍死雲貴悉平

二十一年春正月磔靖南王和碩額駙敗精忠並斬其子耿顯祚及曾養性劉進忠等精忠既降從康親王征閩收復興化漳泉等郡遷鄭經入臺灣會其弟昭忠喊藩下參領徐鴻弼等赴部首精忠歸順後仍蓄不軌之志同時昭忠亦具疏入告因召精忠入朝以其時精忠所屬都統馬九王尚握兵權不敢遽發其罪及雲南平九五解任歸旗始磔精忠於市三藩悉平蓋籍藩產充餉撤藩兵回京師而於各緊要省郡地方設八旗兵駐防不復以兵爵土地世子臣下於是封建藩



鎮之弊。而中央集權之制亦漸以完密矣。

編者曰。方藩變之初起也。清廷猜忌漢武臣愈甚。諸路皆以王貝勒督軍。諸帥皆統轄。固不知軍旅為何事。及見三桂席捲而出。所至望風歸附。諸將亦各懷二心。至有欲舉襄陽以北降者。賴綏遠將軍蘇赫察持之。以免。故屯兵岳州城下。八年不戰。諸將皆閉營壘。作壁上觀。至三桂死。其兵自退。又聞東西兩路屢次奏捷。始不得已進兵。及事平。諸將皆蒙上賞。而東西兩路反有以敗亡致罪者。趙良棟被劾。不免。蘇赫察竟置吏議。奪爵削職。至披剃九華寺中。

清史紀事本末卷十四

準噶爾及西藏之兵事

聖祖康熙二十九年夏六月以準噶爾部噶爾丹犯邊下詔親征噶爾丹厄魯特蒙古人厄魯特地在天山北故元代牧場稱為四衛拉特譯言四大部也元衰其臣猛可帖木兒據為部落明時極強盛由衛拉特音轉而訛為瓦剌謂之瓦剌自其汗也先死其勢中衰其地分為四部一曰碩特居烏魯木齊附近一曰準噶爾居伊犁一曰杜爾伯特居厄爾齊斯河域一曰土爾扈特居塔爾巴哈台附近總謂之厄魯特蒙古噶爾丹為準噶爾部長僧格同母弟僧格為其異母兄車臣及卓特巴巴圖爾所弑噶爾丹時在西藏為喇嘛歸而討殺車臣卓特巴巴圖爾等遂自立為準噶爾汗兼有四部復引兵平定天山南路喀什噶爾內亂而有其領地於是噶爾丹統一天山南北及科布多青海等地又欲東併喀爾喀適喀爾喀汗土謝圖車臣扎薩克圖等因隙內訌噶爾丹引兵入其地悉擊走之三汗部眾數十萬皆來奔帝假科爾沁水草地使游牧至是噶爾丹以追逐喀爾喀為名悉銳東犯侵及索岳爾濟山附近之烏珠穆沁部時尚書阿刺尼駐軍烏爾會山合蒙古兵襲擊之戰不利而退秋七月準噶爾兵深入烏珠穆沁境命裕親王福全為撫遠大將軍皇長子胤祜副之出古北口召阿爾尼帥所部會福全軍又調盛京吉林及科爾沁兵助戰帝復親往塞外視師常軍軍遇敵烏珠穆沁境戰亦不利噶爾丹遂乘勝渡西喇木倫河至烏蘭布通去京師僅七百里時福全軍屯烏蘭布通三十里外詔常寧引兵會之八月福全等與噶爾丹激戰於烏蘭布通敵軍死傷甚眾噶爾丹乘夜遊盟日遣賴使者喇嘛濟隆詣軍前代為乞

和以暖追師閏六日福全悟始發輕騎追之已不及矣乃班師。

三十四年冬十一月復議親征準噶爾令將軍薩布素引滿州軍會科爾沁所部出其東大將軍費揚古馳赴歸化城調陝甘兵出寧夏自翁金河出其西帝自將禁軍出獨石口為中路尅期夾

攻。

三十五年春三月帝帥中路軍出邊以沙磧不宜車乃留大礮馱子母礮而行夏五月帝渡瀚海近偏敵境時東西兩軍以道阻未至復傳言俄羅斯有助戰之說大學士伊桑阿力請班師帝怒不許帥兵疾趨克魯倫河遣使往諭噶爾丹噶爾丹不虞帝至以為大將軍誑我及登高望見軍容大驚拔營宵遁比帝至河北岸已無敵入踪跡矣循河追之三日至托拉山不及而返噶爾丹遁至土拉河上流東岸之昭莫多遇西路軍費揚古等列陣以待遣前鋒營佯敗以誘敵至兩軍激戰自日中至暮不決費揚古以奇兵出敵陣後襲其輜重敵始潰其可敦阿訶斃於礮可敦者準噶爾部稱其汗之妃也頗習戰至是亦斃於礮噶爾丹以數十騎遁去西路軍捷奏至帝命費揚古留防漠北遣陝甘軍凱旋而親撰銘勒察罕托拉山及昭莫多之山而還時因糧盡欲引還恐為敵所襲適噶爾丹使人格登沽英在軍中帝遣之還語之曰歸語而主速來降限七十日還報踰期朕即進兵語至此包衣人達都虎違旨軍用未將盡矣帝怒曰達都虎搖惑軍心可斬也糧雖盡朕必嚙雪窮途誓不回師諸軍皆不喻既遣格登沽英使人隨之出二十里外乃傳令班師眾始大悅

三十六年春二月親征準噶爾師次昌平州時噶爾丹之伊犁根據地為其兄僧格子策妄阿喇

布坦所併回部青蓋亦相繼叛去所屬部眾不及千人皆老弱窮蹙日甚三月帝次軍于夏時噶爾丹遣子塞卜騰巴爾珠爾徵糧哈密回人執以來獻閏三月噶爾丹飲藥死噶爾丹左右親信相帥引去有納款軍門請為嚮導者噶爾丹欲追伊犁慮受阿喇布坦貪功擒獻後西藏則西路留屯軍已絕其通路窮無復之遂自絕

四十五年冬十二月西藏拉薩派執送毀達賴喇嘛來京西藏古三危地其種人曰唐古特族亦稱土伯特即唐時之吐蕃也在自觀中自印度迎僧侶入國都拉薩布教僧侶稱喇嘛受王室保護有特權元世祖時刺麻八思巴者有道術世祖欲表示其信仰尊為國師封法王使領藏地居後藏扎什倫布附近明代尤敬禮有加其法王衣冠皆赤永樂初有宗喀巴刺麻者出以宗教改革自任別創新派自服黃衣黃冠謂之黃教而名舊教喇嘛曰紅教黃教盛行於前藏其勢力不亞於法王宗喀巴圖寂後其徒二一曰達賴喇嘛一曰班禪喇嘛並居拉薩為黃教宗王其教禁娶妻其詞蹟法謂達賴班禪兩喇嘛不死惟為呼畢爾罕譯言轉世也達賴一世曰敦根珠巴二世曰敦根堅錯三世項南堅錯四世雲丹堅錯至五世羅卜藏堅錯於順治九年來朝世祖封為西天自在大善佛康熙二十一年脫離（藏言死也）其第巴（藏言政務官也）桑結秘不發喪一切殯命行之噶爾丹在藏時頗交桑結優待故君臨準噶爾後凡百聽其驅策桑結搆使之與和碩特喀什噶爾喀爾喀諸汗相仇殺及喀什噶爾三汗內附帝命達賴遣使諭噶爾丹罷兵桑結私煽所遣喇嘛濟隆陰嗾噶爾丹南侵及噶爾丹敗于烏爾布遜身喪不免濟隆又倡為誹毀以違逆師三十三年復假達賴名為已乞封詔封為土伯特王而桑結遂以為中國可欺益發令

爾丹入約三十五年。策妄阿喇布坦奉詔協擒噶爾丹。桑結復使人要諸遠阻其出師。又陰使青海諸部修戰備。會噶爾丹窮蹙自斃。其氣始沮。帝於烏蘭布通之使擒訊。準噶爾潰兵。具得其狀。手詔切責桑結。並令執濟隆以獻。而桑結遣使輸誠。容奏謂過賴五世。及已十六年。令轉生。又十五年矣。當以今年十月。宣告內外。乞暫為秘之。且言濟隆得罪中國。已竄播喀木。並獲及其家藏當徐致之。嚴京師時。帝欲利用其勢力。以結權蒙藏。因其陳情而置之。至四十四年。桑結困和碩特部。過延汗之孫拉藏汗嗣立於拉薩。恐其干涉藏事。謀暗殺之。不成。復欲以兵力逐之。拉藏汗乃集眾討誅之。因奏廢桑結所立促過賴。而新立過賴伊西堅錯為六世。並揭發桑結以前詐欺中國種種罪狀。帝命獲軍統領席柱學士舒蘭為使。往拉薩冊封拉藏為翼法恭順汗。使鎮守藏地。令拘執假過賴送京。至是遣人詳至。

五十四年夏四月。準噶爾部策妄阿喇布坦。侵掠哈密。命富窩安帶兵前往。又徵外藩兵集歸化城。以右衛將軍費揚古（費揚古弟）總理軍務。初。策妄阿喇布坦助勒噶爾丹有功。帝命置阿爾泰山以西。至伊犁。指俾游牧。復成西域一大部落。會拉藏汗新立之過賴六世。青海諸蒙古皆以為假。自奉裏塘之噶爾丹堅錯為真。過賴避居青海。請賜冊印。帝慮兩部構釁。為調停計。詔噶爾丹堅錯暫居西甯城西南之塔爾寺。而兩部之爭執如故。時有晴潮。策妄阿喇布坦乃乘此時機。以謀襲西藏。於是時拉藏汗方以誅討桑結功。得中國政府保護。策妄阿喇布坦欲侵襲藏地。恐中國兵議其後。至是引兵出哈密北境。大肆擄掠。以圖牽制。秋八月。富窩安兵至巴里坤。以道路險遠。糧道維艱。募請於哈密附近一帶地方。募兵與屯。加意耕種。明年暫停進兵。報可。時帝

又慮準兵取道崇達木草地自青海入藏命侍衛阿齊圖等督青海諸台吉各選兵屯噶斯湖畔以斷其通路並收拉薩汗成服以待

五十六年春三月授富寧安靖逆將軍出巴爾坤傳爾丹振武將軍出阿爾泰山以窺策妄阿刺布坦之動靜相機進兵秋七月策妄阿刺布坦遣將策凌敦多布引兵侵掠西藏納克禪邊內木寶勒旋入藏占據淨科爾廐山安臨拉藏汗與其子蘇爾扎領兵迎戰於達穆河附近殺獲甚衆相持六十日拉藏汗以兵寡不敵退保招中冬十月準兵陷招城先是有準噶爾人噶隆沙克都爾扎布任於拉薩拉藏汗使守小招至是復叛歸準以小招降台吉那木扎爾時守布達拉之北城亦開城降準兵入城殺拉藏汗執蘇爾扎幽新達賴六世於扎布里廟中藏中大亂五十七年春二月詔西安將軍額倫特侍衛色楞額學士查復準等甘肅蒙漢各軍先後自西寧出青海往援西藏專傳爾丹奏至請分兵進勦伊犁帝手詔答之略謂兩路進勦固善惟聞去歲策妄阿刺布坦遣策凌敦多布入藏時曾有令其翦滅拉藏即在藏駐紮候其親至西藏再往攻取危藏巴爾喀木之地等語現傳聞拉藏有戰及之信若策妄阿刺布坦果往西藏我兵即至伊犁亦屬無益頃已令色楞額帥軍兵往攻西藏矣伊犁巢穴本年曾傳追勦可也秋九月先是額倫特等統兵至哈喇烏蘇與敵軍遇敵分兵迎戰陽敗屢却伏精兵於河北以待比全軍渡河敵以兵之半據河拒其前而分兵潛出其後截餉遂相持月餘至是食盡矢竭全軍覆沒冬十月以皇十四子胤禔為撫遠大將軍駐師西寧改四川巡撫年羹堯為總督備兵成都期於明年分道入藏時廷臣恐前敵俱言藏地遠險不宜進兵遂停止出師會諸土伯特人承認西寧之新達

賴為真呼畢爾罕合詞來請中國派兵護送入藏詔許之

五十九年春正月詔胤禔駐穆魯斯烏蘇治餉以西軍軍屬平逆將軍宗室延信出青海又以四川地方緊要年羹堯未可輕離改授噶爾丹為定西將軍統川兵出打箭爐分道入藏二月冊封新達賴噶爾丹堅錯為宏法覺羅第六世達賴喇嘛派滿漢兵及青海兵送往西藏而蒙古諸部亦各帥所部隨西軍軍尾新達賴進征秋八月延信帥兵度當拉嶺駐軍卜克河策凌敦多布拒戰於土拉池附近三戰三北是月噶爾丹率越拉里而西自墨朱工入拉薩召集大小弟四宣布德意誅刺麻助亂者五人幽九十餘人策凌敦多布進退受敵不敢歸藏由騰格里湖北麓崎嶇凍餓得生還伊犁者不及半數矣九月新達賴入藏噶爾丹收拉藏所立達賴歸京師西藏平定留蒙古兵二千鎮守其地而以拉藏舊臣貝子康濟鼐及台吉頗羅鼐分掌前後藏政權設駐藏大臣以監之自是西藏始確為中國屬土矣

清史紀事本末卷十五

歐人通商布教及和議之開始附凡布楚條約

聖祖康熙三年夏閏六月領贈荷蘭國王段匹銀兩先是荷蘭於順治十三年遣使哥自及開澤自爪哇抵京師以互市為請廷議許荷蘭商船八歲一至船數以四艘為限其後鄭成功占領台灣荷蘭數遣艦隊助攻金廈有功至是秋以求報酬遣其使臣謝倫復以巴達維亞總督之命來議約詔頒予銀幣有差他所請皆不許

四年春三月罷欽天監監正湯若望初世祖朝德意志宣教師湯若望以歷學受知遇命掌欽天監事專賜太常寺卿加通政使封通元教師至是回國教徒新安衛官生楊光先上書攻擊若望摘其新法十謬廷議以本朝歷祚無疆若望不應止進二百年歷又選擇恭王安葬日期不憚論礮帝以若望有前勲免死罷其官

六年夏五月俄使來請互市帝以俄人連年擾邊又容納逃寇不許

八年春三月授南懷仁為欽天監監副自楊光先劾退湯若望後以光先為監政罷兩法不用既而光先論閏多不合比利時人南懷仁時任修曆治正復疏論之較驗得實光先削職遣戍授懷仁監副未幾普監正加太常寺卿復三藩事起任懷仁工部技師長令督鑄大礮事平叙功加工部右侍郎卒贈禮部侍郎賜諡勤敏懷仁等不備明習曆法且旁通百技政府亦利用之自治曆之外或令鑄槍礮以佐軍用或任外交通譯及測量事故亦不禁其布教時臣民受洗禮者不下數十萬人而中國之數學及曆學極東洋一時之盛北京天文台之壯觀尤為環球冠



十四年夏五月俄使至請與中國訂界約開貿易交換俘虜不許初順治十年俄軍侵入什爾喀河流域時土酋根忒木爾帥部衆內徙求保護後中國有司過之處根忒木爾復奔俄世祖特遣使莫斯科令交還中國治罪俄人不報至是以難俄人謂非交付逃人根忒木爾不可俄人卒不交出

二十五年秋七月都統彭春等攻取俄羅斯邊境雅克薩城俄守將圖爾布青戰歿俄人請成許之先是俄羅斯所屬羅刹連年侵擾黑龍江邊境帝患之遣春等以行獵為名渡江偵察情形歸言羅刹可以收撫乃命春統水陸軍並進攻臨其城圖爾布青中彈死其陸軍大佐伯伊頓代之守以軍中病疫思罷兵帝聞之亦表示同意以荷蘭公使杜都為介紹致書俄皇約定邊境俄皇旋覆書謂前者中國數贈書於本國因國中無人能通解漢文故久不為報今已知邊人構釁之罪請先釋雅克薩之圍師即當遣使詣邊定界乃詔春撤兵歸

二十七年春三月以內大臣索額圖佟圖傳馬喇為公使赴色楞格斯克會俄使議界約尋召還索額圖等行至喀爾喀界值土謝圖與噶爾丹構兵道梗不得前帝聞遣侍衛關保往追之令其退駐沱界

二十八年夏四月命索額圖等赴尼布楚與俄使會議先是俄人來告改以尼布楚為會場帝詔索額圖等赴之命都統郎該發兵一萬自黑龍江水陸並進以為使臣後援索額圖等抵尼布楚駐軍城外俄將軍烏拉索聞中國軍隊至疑有他故飛書阻止索額圖不應及俄使費要多羅至自色楞格斯克見中國兵衛甚盛氣大沮旋張幕於其地為會場兩國公使既會設兵各二百餘

人皆露刃帳側俄人後以兵五百列城南當中國陸軍又以兵五百陳尼布楚河岸當中國水軍俄使發議欲割黑龍江為兩國國境以江南地歸中國而自有其北岸索額圖則謂東自雅克薩西至尼布楚色楞格斯克凡俄領黑龍江以及後貝加爾殖民地當盡以屬中國俄使不可翌日復索額圖詞少遜請以尼布楚為分界俄使難之以是議久不諧時中國諱官宣教師張誠徐日昇等調停兩使間往復數回索額圖始議北以格爾必齊河及外興安嶺南以額爾古納河為界而俄人於額爾古納河南所築堡寨當遷移北界俄使猶不允於是索額圖輟議拔營向尼布楚城示將宣戰且招撫蒙古及通古斯人之降俄者令為內應願俄使推不欲決裂乃允以額爾古納及格爾必齊兩河為中俄界綫而索額圖翌日復翻議致書俄使謂北境之分界綫非外興安嶺為自後貝加爾至朱古特岬之一帶長嶺俄使大憲議復使宣教師乃言於兩使謂彼此不得要求過當平和始克就緒於是雙方退讓國界之議乃成因復及逃人事俄使謂根咸木爾已在莫斯科受洗禮更名不允交付索額圖亦知其終不可致亦不復爭和約乃成於是年九月交換凡六條所謂尼布楚條約者也一名黑龍江條約（一）自黑龍江支流格爾必齊河沿外興安嶺以至於海凡嶺南諸川注入黑龍江者屬中國嶺北屬俄（二）西以額爾古納河為界河南屬中國河北屬俄（三）毀雅克薩城雅克薩居民及物用聽遣往俄境（四）兩國徵戶人等毋許擅越國界違者送所司懲罰（五）兩國彼此不得容留逃人（六）行旅有官許文票者得貿易不禁冬十二月中俄兩國遣員立碑於格爾必齊河東及額爾古納河南為界標書以滿漢蒙古拉丁及俄羅斯五體文字勒之自是中俄修好是役也為中俄交涉之起源於以見當時外

文之優勝且知有國家者。外交與武力。雖有相為表裏之實。而不可缺一者焉。

清史紀事本末卷十六

臺灣朱一貴之亂

聖祖康熙六十年夏四月臺灣民朱一貴作亂總兵官歐陽凱水師副將許雲南路參將苗景龍游擊劉得紫游崇功千總陳元等死之一貴福建漳州府長泰縣人小名祖於康熙五十二年充臺廈道隸僑居被革居母頂草地飼鴨為生其鴨旦暮編隊出入愚民異之時承平日久守土恬熙知府王珍稅欲苛虐以風聞濫捕結會及私伐山木者二百餘人株連需索民不堪其擾於是鳳山縣民黃殿李勇吳外鄭定瑞等謀變以一貴朱姓可托明奮遂承以起事稱中興大元帥率眾數百夜襲岡山塘汛警報至郡總兵官歐陽凱集將弁議出兵中營游擊劉得紫請行不許令右營游擊周應龍以兵四百及新港目加留灣南壠麻豆四社土番往應龍輻輳幹魁俾謀論風生故主兵重之是日微雨應龍率兵番行五里即止翌日再進十五里一貴已於是夜出檳榔林劫防汛戕把總掠軍械而應龍隔一水不往救一貴乃旁掠四出南路民杜君英等起應之應龍兵至小岡山遇敵千總陳元把總吳益等奮力掩擊一貴敗走入山應龍命止兵弗追但傳令懸賞購殺土番性凶殘縱火燒民居民死無數人心激忿各鄉樹幟響應於是杜君英陳福壽劉國基起淡水郭國正翁義起草潭戴穆江國論起下埤頭林營杜寨林瓏起新圍王忠起小琉球皆約一貴政府治君英合眾從南路來將苗景龍於下淡水景龍敗死應龍聞警往救日行十五里越日遇敵於赤山君英一貴兩路夾攻之方激戰應龍遁以後隊退陳元陣歿吳益周應等負傷走而應龍竟回府治一貴大隊隨之郡中大震歐陽凱劉得紫許雲共率師千有五百出禦列

營春牛浦以待。忽軍中夜驚，鎮兵四散。黎明始稍集，然人無戰心。適日敵兵大至，許雲躍馬陷陣，敵大敗。時水師游擊游崇功以兵入鹿耳門，赴援。遇臺廈道梁文煊，知府王珍等春屬舟。嘆曰：官若兵民之望。官春逃，則人心散。大事去矣。鹿泉馳春牛浦，一貴君英合隊來犯，鎮兵忽內亂。把總楊春、綽號達家勇者為內應，刺歐陽凱墜馬死。劉得紫被執，許雲游崇功等十餘人皆死之。水師游擊張彥賢等率兵千餘人，戰船四十餘艘，聯揚帆出澎湖，應龍復遁歸內地。文煊等奔澎湖。

五月，臺灣陷。宋一貴僭號於臺灣，一貴既入臺郡，北路賊賴池、張岳等同日陷諸羅。參將羅萬倉死之。凡七日而全臺盡失。一貴等開府庫，有紅毛樓者，故荷蘭據臺時所築，舊名赤嵌城。後鄭氏以之貯軍火。四十年來莫有啟者，至是發之，得大小礮位，槍彈硝磺銅鐵無算。一貴乃自稱中興王，號永和元年，大封其眾。國師太師公侯都督將軍尚書總兵以下千餘人，優孟衣冠，輝煌道上。民間為之謠曰：頭戴明朝帽，身穿清朝衣。五月稱永和，六月還康熙。蓋當日雖婦人孺子亦知其必亡也。

六月，南澳鎮總兵藍廷珍克復臺灣府。宋一貴遁，先是臺中逃官及難民抵澎湖，協將弁皆倉皇失措，以為一貴將長驅至，亦各出眷屬登舟。將窺廈門，右營守備林亮請主將掣回登舟各家屬，諸將猶豫未決。亮按劍厲聲曰：朝廷以海外封疆付我等，今鋒刃未血而相率委去可乎？請整兵配船守要害，俟賊至決一死戰，戰不捷，公等歸亦未晚。乃馳出江干，申主將令，拔佩刀，驅官民眷屬各登岸，人心始固。時水師提督施世驄駐廈門，見難民船日至，甚衆，始知臺與而郡中文武窺至澎湖，喘息稍定。然後具文中報至廈，世驄即日率師出港，總督覺羅滿保疾馳抵廈門，咨檄南澳鎮總兵藍廷珍，而廷珍條上進兵事宜之書，至所議悉與膽合。大喜曰：吾謂此

君平臺得人矣使總統渡臺水陸兵八千船四百艘會提督合兵進剿師行滿保躬造海濱送之  
既珍意氣激昂從容語絕背曰草寇不足煩區區某一登彼岸大帥可即奏報萬平也抵澎湖適  
降將吳良受一貴命謀取澎湖赴世驃營前詐降事世驃知之盡吐堂中情形如其黨內亂一貴君  
英互爭雄長謀相攻百姓不附廷珍言於世驃曰聲盜皆烏合不足憂但眾至三十萬誅之不勝  
誅且多殺無益宜張示止賊梟魁勿問刑人人有生之樂無死之心可不血刃乎也世驃諾之  
並戒將士登岸之日無得妄殺是日發澎湖先鋒林亮等以六舟自死直進遙望嶼臺火約繫  
積專以吸注攻中之轟發如雷守臺者死無數遂陽帆直渡鯤身（海河）敵將蘇天威退保安  
平鎮與城守鄭定瑞列隊迎拒林亮等復先登陷陣廷珍督大隊繼之蘇即敗走廷珍入鎮城  
次日世驃始至敵二次來犯皆為廷珍擊退自是一貴等是入府治不敢出有西港民某願導兵  
由西港暗渡出府治之背攻其巢世驃遣亮等以兵十二百往次日廷珍知其事乃急言於世  
驃曰西港距府不遠呼召立應又多竹林可埋伏彼若以數千人分佈要害四面掩擊亮等一軍  
危矣宜遣將統大軍繼其後方可萬全世驃曰誰當此者廷珍曰非他人所能往某不敢辭遂率  
水師五千五百餘夜指西港進發黎明登岸今空舟悉回安平諸將請其故廷珍曰示軍士必死  
無還心今日戰勝明日直抵府治耳會敵在蘇厝田與林亮等正激戰廷珍嚴陣設伏而進敵望  
見曰此老藍頭賊也驚而潰是夜狂擊頭標料敵眾必乘夜劫營伏兵大敗之比曉抵城下敵數  
萬皆遁去廷珍夜入城秋毫無所犯臣大悅自進兵至此裁七日耳遂復府治世驃亦同日抵城  
復殺害歐陽凱許雲羅滿倉之楊泰黃龍陳碧三人各付其子歐陽敏許方度羅世正等自行處

死凌遊割腹碎屍揚骨慘極無人理臺人至今猶談之而色變云 閏六月總兵官藍廷珍復臺  
南北未一貴杜君英等悉就擒廷珍分兵收復南北二路一貴走下加冬廷珍密遣將林卿等擒  
之於溝尾石與其黨杜君英等送京師磔之臺灣平

清史紀事本末卷十七

治河之政策

聖祖康熙九年夏四月河決歸仁隄淮安揚州二府等處田地悉被淹沒

十年冬十月河決桃源縣壞民堤二百五十大冬十一月河道總督王光裕疏請募夫大批淮陽襄河從之

十一年夏四月命侍衛吳丹學士郭廷祚閱視河工繪圖進呈六月河決清水溝高郵寶應一十八州縣衝被災

十六年春二月以王光裕治河無功命解任以靳輔為河道總督秋七月靳輔條陳治河八事一挑清江浦以下歷雲梯關至海口一帶河身之土以築兩岸河堤一批洪澤湖下流高家堰以西至清口引水河一道一加高幫濶七里墩武家墩高家墩高良港至周家關殘缺單薄堤工一築古溝桂家壩一帶隄工並堵塞黃淮各處決口一開通濟開濬深挑運河堵塞清水潭等處決口以通漕艘一錢糧浩繁預籌蓄以濟工需一請裁併河工尤員奏調幹員赴工襄事一請設巡河官兵章上廷議以軍興餉絀難之輔凡三奏均堅持前議帝特如所請

十七年秋七月河決碭山縣石將軍廟及蕭縣九里溝二處是月靳輔疏請高家堰石工再加三尺與土隄平然後另加土隄三尺又高家壩高良港一帶加築鐵隄一進從之冬十月靳輔以宿徐等州縣被災請建減水大壩一十三座又請將清口閉斷自文華寺挑新河至七里開以七里開為運口由武家墩爛泥渡轉入黃河



十八年夏四月，靳輔疏言：清水、漳、唐、塞、衝、山、陽、萬、郵、等七州縣田畝淹沒，臣築東西長堤二道，工竣七州縣田畝全行潤出，運艘民船，水可安瀾。報聞。秋七月，靳輔疏言：淮河東岸，自蘄家壩至周橋，開乃淮陽、蓮河、上游門戶，山鹽等七州縣民生關鍵也。當黃河循禹故道之時，淮流安瀾直下，此地未聞水患。迨黃流南徙，奪淮，流不能暢注，於是壅遏四漫，山陽、寶應、高郵、江都、四州縣河內低窪之區，盡成澤國者，六百餘年矣。明萬曆初，河道廢壞，雖不若今日之甚，而清口淤高，堰決與今日情形相似。彼時河臣潘季馴築隄堵口，治效班班可考。然此處不議加高，蓋明代祖陵在西，故停河東之障，以洩水。不知如慮淮漲西侵，何難兩岸並築，而顧留患門庭。歷年既久，遂致成河九道，使淮陽愈受水災。臣不能不憾。潘季馴以善治河稱，而亦有此失者也。皇上軫念運道民生，大發帑金，命臣徧為修治。今蘄家壩成河九道之處，共寬一千三百二十三丈二尺，今已合龍。更查山寶、高江、四州縣河西諸湖，亦逐漸涸出，擬設法招墾，庶幾增戶足民矣。

二十一年冬十月，河決蘄家口，召靳輔來京，以蘄家渡決口方議脩築，故也。先是布政使崔維雅奏上河防芻議，兩河治略二書，註條列三十四事，欲更改輔所行減水壩諸法。輔詳辯為不可行。至是輔至京，而奏蘄家渡工程。歲正月，必可告竣，且力言維雅所言之誤。帝聽之，特衆議尚書伊桑阿察勘河工一疏，冊開不堅固不合式隄工，共一萬五千餘丈，漏水堤工四千餘丈。及減水壩二座不堅固之處，應將輔撤任，從重治罪。帝恐更易生手誤事，仍著輔留任。戴罪督修，輔回至河上，親督工程。未幾決口皆塞，水歸故道。

二十二年夏四月，靳輔疏報蘄家渡工成，河歸故道。優詔批答，還輔職。

二十三年冬十月帝南巡至泰安登泰山尋自宿遷臨黃河北岸至天妃閣見水勢湍急指授河臣改為草壩另設七里太平二閘以分水勢十一月臨閣高家堰諭新輔曰觀高堰地勢高於寶應高郵諸水數倍前人於此築石隄障水實為淮揚屏蔽且使洪澤湖與淮水併力敵衝刷於沙閘係最重今高堰舊口及周橋崔壩修築雖久仍須歲歲防護不可輕視以懲前功後閘黃河南岸諭輔妥籌善後之策勿令黃水倒灌運河帝聞河甚喜書閣河詩賜輔並賜輔佳哈御舟及御用帷帳

二十四年春正月新輔疏請添建黃河南岸毛城鋪減水閘一王家山減水閘三北岸太谷山減水閘二以保徐州上流堤工並於歸仁堤添建石壩二攔馬河及清河縣運口各添建石閘一秋九月新輔又請添築考城儀封陽武三縣河隄七千九百八十九丈封邱縣荆隆口六月隄三百三十大蔡澤縣埽工二百一十丈以防上流異漲並請增設蘭陽儀封蔡澤河員免開歸二府民採辦青柳均從冬十月命河道總督新輔按察使于成龍馳驛來京與九卿科道詳議河工事務時成龍奉命經理海口及下河事宜仍聽輔節制持議與輔多不合故廷議並召入都詳議十一月新輔于成龍至京與廷臣議河工事宜輔謂宜開大河南長隄高一丈五尺東水一丈以敵海潮成龍力主張開濬海口故遣大學士九卿俱從輔議通政司參議成其範給事中王又旦御史錢鈺從成龍議侍讀喬采察應人也極言輔議非是乃命尚書薩穆哈等往勘尋以開海口無益入告

二十五年夏閏四月禮部尚書湯斌入對奏下河宜疏濬帝命侍郎孫在豐往董其事擬輔議

二十七年春三月新輔奏中河工竣運道新通請加高築邊隄以圖永保從之尋御史郭瑋陸祖  
修給事中劉楷相繼參輔治河無功又漕督慕天顏侍郎孫在豐因河工事互相糾參罷輔任並  
革其家客陳瑞職銜解京監候璜字天喬秀水布衣輔以公事過邯鄲見題壁詩大為嘆異因蹤  
跡得之禮之入幕帝聞工時嘗從容問曰爾必有通今博古之人為之佐輔以瑞對復以輔為得  
賜命帝道銜輔既解任調王新命為河督夏四月新輔至京疏論于成龍慕天顏孫在豐朋謀  
傾陷狀並詳明部臣劾佑計需六百萬兩臣苦心節省止用幣二百五十一萬不及部臣估計之  
半而請臣疏為學節營私奪田屯繕必欲將臣殺臣而後已請帝再巡視閩隄工更命重臣清丈  
隱佔田畝帝命學士凱音布等往勘至是帝謂廷臣曰前于成龍奏新輔開中河無功今凱音布  
等則云河漕兩利若謂新輔治河無功朕亦代為不平也于成龍懷私仇阻撓河務殊為不合今  
九卿已將新輔議罪若王新命亦順從于成龍之說大事更張是各懷私忿貽誤河工匪淺且黃  
河自宿遷以下衝決猶可修治若宿遷而上或致泛濫則為害甚大因令馬齊張玉書圖納前往  
確勘還奏應如輔所定章程無庸改又因凱音布奏稱中河所行漕艘慕天顏勒令還回支河之  
口不許閉塞有旨著將慕天顏從京夾訊嚴追唆使之入尋天顏供稱係成龍嫉妬囑其照此辦理  
帝亦不之究

二十八年春正月帝以張玉書等往閩河工回京奏言中河狹隘欲於中河立三閘以減洩之而  
開新輔則云於二三十里之間應修小閘及涵洞所言歧異河工是非終無定論因欲親臨河上  
察勘車駕至濟南乘舟由中河閱視河道命於鎮口開微山湖等處開支河口其黃河運道仍存

而不勝遂自清河縣渡黃河至揚州泊舟鎮江府之金山寺二月帝至杭州渡錢塘謁禹陵三月帝至淮安府閱視高家堰一帶堤岸開備以靳輔治河有功復其官今以原品致仕有實心任事之褒

三十一年春二月河道總督王新命因事革職復用靳輔為河督輔以老病固辭不許再賜佳哈御舟以旌異之三月脩渾河堤夏四月靳輔奏請復建新莊開以利運漕又仲家開下陶家莊地方應添造一開使兩開行進互相波瀾尤於黃中兩河大有裨益冬十一月靳輔奏請於黃河兩岸栽柳種草並設立涵洞時輔力疾經畫而運自清河至蔡溝連三門砥柱安流無恙事竣以病狀開命輔子副參領治豫及內大臣明珠往視存斃于位年六十子祭葬謚文襄輔受命治河十餘年精力俱存而中河之役尤百世之利論者謂功不在家禮閣會應陳瑄清江浦下云十二月以于成龍為河道總督初輔受命治河時值黃水四流不復歸海清口運道甚塞輔因上疏言清口以下不淤塞則黃淮無歸清口以上不壅引河則淮河不暢高堰之口不盡封塞則淮分而刷河不力若必內灌而下流清水淖亦危且黃河南岸不隄則高堰仍有隱憂北岸不隄山以東必遭衝潰故築漫岸疏下流塞決口俱有先後無緩急今不為一勞永逸之計屢築屢圮勢將何所底止疏入帝臣多異議帝特如所請功未竟而于成龍等極言其失輔遂解任去帝悟復使輔充其事輔既卒帝思之曰靳輔經理之任雖後來河臣互有損益而規模創置不能易也

三十三年春正月九卿議覆河督于成龍奏請增設河道官員及豁免民夫俱不合應革職帝乃

成龍來京詰以前日力詆新輔及論減水壩宜塞不宜開成龍引罪命革職留任戴罪圖功

三十八年春二月帝奉皇太后南巡閱視河工三月渡河相地高下指示方略命河督于成龍測量水土繪圖以進因諭大學士等曰水之不治由洪澤湖水勢甚大既不能洩又加以黃運兩河合併勢愈浩濶故致泛溢昔時原有歸仁隄違為捍禦此法最善今已淹沒不可考新輔則築減水壩名為減水而四處奔瀉深決甚多彼但顧上河而不顧下河水何以治惟有導河稍北使不得侵入清水而疏洩洪澤湖使之下流全用清水以刷淤沙則水自無不治矣

三十九年春二月于成龍卒調張鵬翮為河道總督夏六月河督張鵬翮奏稱遵旨看視海口將攔黃壩盡行拆去河身開濬深通乞將攔黃壩改稱大通口并請建立河神廟

四十年春正月加封河神為顯佑通濟昭靈啟順金龍四大王因前河督張鵬翮奏海口疏通黃淮二水交會濟運神速皆河伯效靈所致請加河神封號至是如所請行三月張鵬翮請將上諭治河事宜教下史館纂集成書詔即著張鵬翮編輯呈覽

四十一年秋九月帝巡視南河冬十月帝還京師

四十二年春正月帝巡視南河三月帝還京師

四十四年春二月帝南巡因兩河告成親往巡閱也夏閏四月帝還京師秋七月古澤唐堦清水溝韓家莊四處隄岸潰決革河督張鵬翮仍留任

四十六年春正月帝南巡閱河二月以議開溜淮套革河督張鵬翮官保銜從寬留任夏五月帝追念新輔治河功著加贈太子太保給拜他喇布勒哈圖世職

四十七年冬十月。以秋況工程平穩。著開復河督張鵬翻處分。自是兩河安寧。隄岸無虞。地平天成。一勞永逸之效也。

立儲之反覆

聖祖康熙十四年冬十二月立次子胤礽為太子諸子中胤禛居長而非嫡出嫡子胤礽時甫二齡是日御殿受賀頒詔大赦

二十九年秋七月帝親征準噶爾中途有疾還京師帝次舍里烏珠召太子馳驛往迎及太子入見無戚容帝不悅謂其無忠愛君父之心命即先回京師太子性仁弱率易任情無矯飾於至尊前禮節頗多疏忽而帝輒以此相責望父子之間遂漸生猜阻矣

三十二年春二月帝復親征準噶爾命太子監國

四十一年冬十月帝巡視南河太子從行奪以太子有疾駐德州召大學士索額圖前往奉侍時帝憂索額圖效忠太子太子庶侍令保護起居意在稍有疏虞即當坐以罪也尋太子愈索額圖奉太子回京師

四十二年夏五月殺大學士索額圖先是太子監國帝不時有疾行在距京數千里小人陰附藩府者謀搆萬端侍從與州之人往往得罪而諸王親視儲位各植黨暗爭中以長子胤禛四子胤禔世宗八子胤禛之運動為尤力胤禛胤禔皆以母賤無外家援世宗元舅隆科多佟氏為遼左世族權倖人君富可敵國自其傾身擁護羣臣畏而附之於是羽翼青宮者少而樹功難即者多矣即東宮師傅之屬一時負人望如張英湯斌徐元夢熊賜履革亦皆潛默歸心焉加以帝性多猜忌自舍里烏珠行次太子視疾不謹卷髮頓衰而世宗偶值帝有不豫輒痛哭陳請入侍親

調湯藥備極殷勤帝謂其懇切愛之常形諸手諭故每次巡行輒命扈行軍國大計亦多諮詢禮祀大典恒令以代胤初之儲位自此乃日益及矣帝還京師有為蜚語上聞者謂立太子時索額圖倡謀凡太子服御俱用黃色所定一切儀注幾與帝等帝深惡之然以索額圖有大功於國家隱忍未發也至是有噤索額圖家人上變者告索額圖暗助太子游謀大事下廷鞫無左證助問再三乃坐以前在德州時索額圖乘馬至太子中門方下罪應死棄市妻妾子孫皆沒官大臣連坐死者數人索額圖有謀略康熙初營拜輔政跋扈甚嘗托病不朝要帝幸其第至寢室侍衛和託見其色覺趨榻前揭席刀見帝趨出以奕根召索額圖入謀數日後營拜入見忽為君布座者所擒付外廷逆伏誅尼布楚之役為中西交涉之始索額圖折衝樽俎間不激不隨卒上外交倭勝而歸俄人至今稱之征三藩時掌軍機料理軍書調度將帥皆中肯要吳三桂患之遣客行暗殺是夕索額圖秉燭治軍書客自梁間持匕首下長跪頓首曰吾至良久見公批視軍機咸如親見料理軍書竟夕不寐誠良相也某雖愚豈敢刺良相反接請死笑揮之出次日投邸中為奴驅使無不如意後索額圖下獄潛入饋飲食及被刑料理喪殮事畢痛哭而去不知所終

四十七年秋九月帝次布爾哈蘇台下詔廢太子胤初先期召王大臣至命太子跪於側宣布罪狀中有胤初欲為索額圖復仇窺伺朕躬今朕未卜今日被鴆明日遇害等語論畢痛哭自投於地諸臣扶起帝語諸臣曰胤初不肖致朕中心憤懣至此遂傳旨拘執而殺索額圖之子格爾芬阿爾吉善暨二格蘇爾特哈什太薩爾那阿等餘發遣戴京皆東宮官屬也先是一年前帝一日忽語太子曰朕近日意中時若有一不幸之事將發現者及來三太子事出後太子曰皇父之言



險矣。帝曰：尚恐未盡於此也。朱三太子者，明崇禎第四子，定王慈煥鼎革後，變姓名為王士元，後改張用觀，字潛齋，客山東新城。李方遠家居西廡，是年正月，為浙江大嵐山劫賊，念一和尚所供，引稱為朱三太子，致被捕，復解往浙江，後解京訊。因供係崇禎第四子，帝謂崇禎四子早殤，乃定為假冒。朱三太子之罪而戕之，而諭旨又但言明代宗室不言匪徒假冒。今凌遽處死，其子五執坐壬在地，孫狂兒皆立斬，其案遂結。至是，帝以語諸近侍，且曰：曩時朕亦不知所再發現者為何事，而不意竟有今日之事也。太子被執後，忽患狂疾，回京後幽之於上駟院旁，是日召集羣臣於午門，宣諭曰：儲位重大，未可輕移。近觀胤仍舉動，跡近狂易，似有鬼物憑之者。卿等謂何？眾言：皇上所見至明，臣等不敢有異詞。帝嗚咽不已。久之，始令諸臣起。曰：朕志已定，當即昭告天地宗廟，社稷廢黜之，遂命移禁成安宮。冬十月，革胤禮貝勒為散開宗室，初拘禁廢太子時，胤禔密言於帝曰：相士張明德曾相胤禔，後必大貴，請立胤禔為皇太子。臣當輔之。且言欲誅胤禔，不必出自皇父之手。帝大驚。叱胤禔為亂臣賊子，曰：汝其吳三桂再世耶！胤禔懼，乃言胤禔於太子未廢之前，欲令明德暗殺太子，明德言有飛賊十六人已招致兩人在此。又云得新滿洲一半，乃可行事。帝大怒，明德坐磔。胤禔降虜。十一月，詔釋廢太子革胤禔王位，即幽禁於其府內。太子既廢，帝常思之。至於染疾，連日召見太子，帝意頗適。忽三子胤祉奏言：直郡王胤禔前令蒙古刺麻巴漢格隆，呪廢太子，用術鎮壓，帝命交廷臣嚴訊得實，並掘出鎮壓物十餘處。帝大怒，革胤禔爵。磔巴漢格隆，尋詔廢太子。及王大臣等入語之曰：朕初次中路出師，留太子辦理朝政，舉朝稱善。及朕出師，寧夏後忽傳太子素行變易，自此朕心眷愛稍衰。回京後置數人於法，因是外間竊議。

太子之不孝及所行不法者。日有所聞。朕特命拘繫之。近日太皇太后及皇后皆以太子被寬見。朕且執太子之曰。天色忽昏。朕進京前一日。大風旋繞。駕前朕詳加體察。太子平日雖有暴怒。擯下人之事。並未致人於死。亦未嘗干預國政。前此狂虐。皆由胤視。壓魁所致。以至本性汨沒耳。每念前事。不釋於心。因召左右。加意調治。今已痊可矣。特奏請太后釋之。誠朕之福。亦諸臣之福也。願問廢太子。汝有何語。可於眾前。惡言無禮。廢太子曰。凡事皆臣不德。人始從而陷宮之。今臣亦不復有所希冀。若廷臣等仍有望于為太子者。則斷斷不可。帝因語廢太子曰。古放太甲。卒成令主。汝其勉之。

四十八年春三月。詔廢立胤。仍為太子。遣官告祭天地祖先社稷。文中有自此次寬釋之後。見其夙夜祗事。變形於色。藥餌躬親。克盡子職。朕復屢加省視。惟誠惟謹云云。

五十年冬十月。帝在暢春園。召王大臣入。責以詔附太子。授信黨羽之罪。命將步軍統領託合齊。磔死。其子都統舒起。及尚書耿額。齊世武。并坐絞。餘降革。有差語。羣臣曰。朕父子之間。并無他故。皆若輩從中生事耳。未幾。託合齊死於獄。仍命割屍揚灰。不准收葬。而隨從太子之得福。亦坐磔死。且將其父福陵園。防官阿哈占。開棺戮屍。

五十一年冬十月。再頒詔廢太子。仍禁錮咸安宮。於是羣臣遂日有疑議。謂前此廢太子時。必有默主其事者。豫假帝手以為之。至是復而再廢。奪嫡之獄。遂成始恍然於前此而論。中所謂凡人有所甚愛之子。亦有所不甚愛之子。一語。蓋帝意中已早有付託人在也。及雍正二年八月。世宗宣布祿禛罪狀時。語謂王宗室曰。二阿哥為太子時。因皇考篤愛朕躬。二阿哥恐有妨於己。遂致

以非禮相加人自從前衆大臣保廉親王為皇太子皆視為奇人云云蓋信世宗在潛邸時深滋  
命簡之流芳範人言實不為無因也自是帝禁言立儲事羣臣以是為請者輒得罪甚至有陷大  
辟者

五十四年久十一月段太醫賀孟頫下都統公普奇於俄先是胤禔之福晉有疾孟頫入府醫治  
胤禔以藥水作書令孟頫密送普奇探聽有無釋放消息至是為輔國公阿布蘭所首帝惡諸人  
交通於太子交部重處

五十七年春正月段檢討朱天保時觀視儲位者恐太子復立時造蜚語以激帝怒欲置廢太子  
事與者傳矣衆莫敢諫天保深愛之上疏略謂皇太子難以疾廢然其去良由左右非人習於聽  
斷若選碩德名臣如趙申喬輩輔導之潛德益彰將見皇太子聖而益聖賢而益賢否則恐藩臣  
覬覦儲位天家骨肉之禍有不可勝言者疏上帝欽歎久之近臣阿靈阿素為胤禔黨曰朱某之  
言乃其與同流合污而天保及具姪瑋戴保於法其父侍郎朱都訥亦荷校死連坐者十  
餘人皆革職戮命

六十年春三月發遣大學士王掇御史陶羹崇謙等十三人往西陲軍前効力王掇年老命其子  
少詹事奕清代往因請立儲忤旨也時有十三忠臣一孝子之稱先是掇於康熙五十六年五月  
密奏建儲事總數千言帝召入見且語久之是年正月掇入賀萬壽節復奏前事語加沈痛至  
萬壽亦先後上疏如掇言帝久惡言太子事聞之大不懌嚴旨申飭謂朕六十年大慶王掇等不  
悅以朕哀逆謂宜建儲王掇現清朝之安危與彼漢人無涉故爾如此且痛詆其祖父錫爵在明

神宗朝力請立秦昌。不久而神宗即崩。致天下大亂。錫爵為亡明之賊。應剖棺斬首。以祭神宗之陵。王錫爵已滅明朝。王授以朕為神宗。意欲搖動清朝耳。時廷臣爭持國本之章。屢上而帝以為不入耳之言。深相怨毒。酷罰示威。則有物以蔽之也。究之前星之懼。不暇摘瓜之謀。遂行矣。六十一年冬十一月。帝疾。是日。世宗三次入宮問疾。諸臣惟隆科多在側。至日入時。諸臣將歡儀。俄隆科多出傳駕崩。皇四子雅親王奉遺詔即位矣。君位繼承之事。為國家重要問題。乃解決於倉猝之間。時中外頗滋疑議焉。

清史紀事本末卷十九

官制之改革

聖祖康熙元年春正月詔江南省上江下江學道二員湖廣省湖北湖南學道二員俱裁併歸一  
夏四月定總督加兵部銜巡撫加工部銜 秋九月裁延綏巡撫

二年春二月停止六部漢司官內外京堂例 裁苑馬寺卿主簿各一員監正七員

四年夏五月詔湖廣四川福建浙江四省仍各留總督一員貴州總督裁併雲南廣西總督裁併  
廣東江西總督裁併江南山西總督裁併陝西直隸山東河南設一總督總管三省事其鳳陽巡  
撫寧夏巡撫南贛巡撫俱裁去

五年夏六月增設滿漢六科給事中各一

六年秋七月詔河南十一省俱留布政使各一員停左右布政使之名江南陝西湖廣俱留布政  
使二員駐紮各處分理裁各省守巡道百八員推官百四十二員 裁戶部主事十員工部主事  
七員

七年春三月停巡視茶馬差 命科道缺出就有司內舉賢能素著者行取來京聽候選用 夏  
四月停巡倉御史差 冬十月裁湖廣總督

八年秋七月裁直隸山東河南總督 冬十二月復舉人揀選知縣例

九年春正月復設河南分守河北道分巡南汝道 二月復設浙江分巡寧紹道分巡溫台道分  
守杭嘉湖道分守金衢嚴道 閏二月復設湖廣分守岳常道分巡沅靖道分守衡永郴道 三

月復設四川湖廣總督備建總督。夏四月復設江南分守蘇松常道分巡鳳廬道分巡徽甯道福建分守興泉道分巡延建邵道江西驛鹽道分巡贛南道分巡饒九南道。秋八月命改內三院為內閣大學士等官銜俱照順治十五年之例。設滿洲學士二人滿洲侍讀學士四人蒙古漢軍侍讀學士各二人滿洲侍讀八人蒙古漢軍侍讀各二人滿洲漢軍漢典籍各二人。十年夏四月復設山西雁平巡道河東守道。三月置日講官增設滿洲學士四人漢軍學士二人漢學士二人均兼禮部侍郎銜。冬十一月復設貴州平大黔威守道。十二年冬十一月復設浙江驛傳道。定漢軍學士併入漢缺共為四人。十三年春二月命四川另設總督巡撫各一。秋七月設江西總督。八月復設江南徽甯道浙江杭嚴道陝西南關守道。

十四年冬十一月復設廣寧府衙門。

十五年秋八月增設直隸各省儒學教職各一員。

十六年冬十一月設南書房。

十八年春正月復設廣東潮州水師總兵官。

十九年夏四月復設四川永寧總兵官。

二十一年冬十月裁江南分守鎮江道分巡徽甯道山東分巡驛傳道陝西分守關西道閩南道分巡驛傳道浙江分巡杭嚴道江西分守湖西道湖東道廣東分守嶺東道嶺西道羅定道分巡雷廉道廣西分守蒼梧道江左道分巡桂平道江右道營林道四川分守督糧道貴州分守桂東

遼雲南分守臨元遼洱海道

二十二年春三月復設廣西蒼梧守道右江巡道

三十七年春二月裁上林苑監漢監丞及所屬林衡嘉蔬良牧蕃育四署漢署水各一

三十八年冬十月裁滿洲侍讀二中書五蒙古中書三漢軍中書五漢中書八

三十九年春三月裁直隸各省開元官員計巡道都司同知通判布政使司理問都事照磨按察使司照磨校部司斷事銜經歷州同州判縣丞府照磨知事司獄巡檢驛丞倉庫大使所官等共三百三十五員

五十七年春二月裁起居注衙門 命部院增設蒙古官增蒙古旗分御史二員六部郎中六員

員外郎八員主事六員

世宗雍正元年夏四月復日講起居注官先是聖祖踐阼之始設日講起居注官至康熙五十六年以後裁省記注至是詔復設如故 秋七月命尚書侍郎等官每日一人輪班奏事密摺封進帝以通政司受內外本章有敕奏封駁之權職掌太重命內外諸臣有緊密事改用摺奏專設奏事人員以受之使得立憲自是通政司為閒曹 秋八月增設臺灣淡水捕盜同知一請羅縣北半線地方知縣一典史一

二年夏閏四月改併內地各衙所歸於州縣管轄其邊衛無州縣可歸與漕運之衙所各有隸投

仍舊分隸 秋八月停差巡視湖河御史 冬十二月改直隸守道為布政使巡道為按察使

三年春二月撤總理事務大臣 三月設安徽提督學政

四年冬十月設浙江觀風整俗使帝以近年文字獲罪之人多係浙籍惡其士習澆薄欲嚴加整  
理因仿唐貞觀中制置觀風整俗使前往浙省巡問風俗後福建廣東各設一人尋俱停罷

五年春三月命八旗每佐領添設副領一夏四月命吏部挑選下第舉人授各省教職命兵部  
將未選侍衛之滿蒙武進士交與領侍衛內大臣効力行走漢軍武進士交與該旗以曉時校補  
用漢武進士分發各省當食千總俸其材力出衆者以守備題補

七年春正月添設淮安稽察御史二員中倉漢監督南倉滿監督各一員帝以糧船過淮所費隨  
規甚多大為漕政之弊因派御史二員前往淮安專司稽察之任又以各倉例設滿漢監督各一  
員辦理倉務而中倉南倉相隔一城一倉一人難於查察添設中倉漢監督一南倉滿監督一以  
免有顧此失彼之患

八年冬十一月設稽察欽奉上諭事件處帝以內閣衙門凡於降旨特交事件有即行辦理者亦  
有遲久尚未辦理者或因無稽纂替值之人是以遲速不齊間有舛延著設稽察欽奉上諭事件  
處於滿漢大學士各部院堂官內派出數人兼領

十年春三月設辦理軍機處初議政諸臣皆以貴族世爵充之後因西北兩路用兵帝恐諸王大  
臣不諳國務而內閣在大和門外佩直者多慮漏洩事機乃於雍正七年設軍需房於乾清門外  
西偏進內閣中書之謹密者入直繕寫至是更名辦理軍機處建於門內與南書房鄰復於隆宗  
門西供夜值者食宿其大臣及章京常日直禁庭以待召見駐圓明園入直及行在所亦如之軍  
機大臣簡內閣及部院卿或就請政體者兼攝其職軍機章京則選部曹及內閣侍讀中書等為



之其職掌在擬書諭旨之明降者下於內閣以次及於部科其有關於軍旅者則密封交兵部馳遞謂之廷寄。自是議政之弊始革。而內閣之任亦輕矣。

十二年冬十月。裁浙江總督。仍設浙江巡撫。及浙閩總督。雲貴總督不必兼管。廣西仍歸兩廣總督管轄。

高宗乾隆元年秋七月。定五等世職。漢文以精奇尼哈番為子。阿世哈尼哈番為男。阿達哈哈番為輕車都尉。仍各分等。拜他喇布勒哈番為騎都尉。拖沙喇哈番為雲騎尉。

二年秋八月。命巡漕御史四員。分駐淮安濟寧天津通州。裁直隸副總河。停山西巡察。及稽查歸化城御史。

三年秋七月。復設稽查內務府御史。八月。設各部院督催所稽察各部院遲延事件。大學士酌委侍讀學士侍讀中書兼司之。

四年夏六月。增派查旗御史。七年冬十二月。命王大臣總領樂部。並汰太常寺樂員。

十三年夏四月。裁都察院會都御史。通政司右通政。大理寺少卿。詹事府少詹事。漢缺各一。太僕寺少卿。國子監司業。滿缺各一。改通政司滿參議一缺為右參議。改滿漢左通政二缺為通政副

使。又裁行人司衙門。歸併禮部。冬十二月。定協辦大學士兼管總督者不必仍帶協辦大學士銜。以其非額設之缺也。又內閣大學士由內三院改設。未有定數。嗣後為滿漢各二員。其協辦滿

漢或一員。或二員。因人酌派。又大學士官銜例兼殿閣。裁去中和殿名。增入體仁閣。為三殿三閣。

十四年春正月。裁左春坊滿漢左諭德二缺。秋九月。命棟選翰林院堪勝道府人員。冬十一月。御史馮元請改軍機處為樞密院。不許。

十六年夏四月。裁廣東肇高學政。五月。停止知縣三年行取之例。

十八年夏五月。裁欽天監滿漢監副各一。增西洋監副一。

二十五年夏六月。舊制安徽布政使隨督臣駐紮江寧。文移往返需時。命安徽藩司駐安慶。於江

蘇增設藩司一員。

二十六年春三月。始令新進士引見時酌用中書數員。與中書舉人一體補用。因前此專用舉人。遇會試之年。俱入闈應試。致辦事乏人也。

二十九年春三月。裁甘肅巡撫。命陝甘總督移駐蘭州。

四十一年夏六月。建文淵閣於文華殿後。置文淵閣領閣事二員。以大學士協辦大學士翰林院掌院學士兼充總司典掌。直閣事六員。以科甲出身之內閣學士內班出身之滿詹事。少詹事。侍讀侍講學士。漢詹事。少詹事。侍讀侍講學士等官兼充。同司典守釐輯。校理十六員。以內班出身之滿庶子侍讀侍講沈馬中允賢善編修檢討。漢庶子侍讀侍講沈馬中允賢善修撰檢討。及科目出身之侍讀等官兼充。分司註冊點檢。提舉閣事一員。以內務府大臣兼充。管理鑰鑰啟閉。檢閱八員。以科目出身之內閣中書兼充。隨同排次清釐。

四十三年冬十月。定步軍統領由尚書侍郎簡放者毋庸再派協理。先是步軍統領多由都統等官簡放。恐其無法律知識。特派刑名部臣一人以協理之。至是帝以今後步軍統領皆用部院大

臣遇有刑事裁判皆能自任不必復派協理之員

四十四年夏四月改開辰湖寧大臣為領隊大臣移駐吐魯番

四十八年春三月以向例總督俱兼兵部尚書右都御史巡撫俱兼兵部侍郎右副都御史銜  
漕運河道總督並與地方之責與各省總督不同嗣後止給與兵部侍郎銜著為例 秋七月命  
各省分發大挑舉人以知縣佐貳分別補用

五十八年春三月刪除大學士兼尚書銜及翰林院掌院兼侍郎銜順天府尹兼提督學政銜  
改杭州織造為鹽政鹽道為運使浙江鹽務向歸巡撫兼管帝恐無人稽察巡撫有任意動支之  
弊諭將織造改為鹽政兼管織造鹽道無分巡地方之責改為運使

五十六年□月停止滿洲大學士尚書兼議政大臣銜自雍正中設立軍機處備留議政大臣  
之名以為滿大臣兼銜至是帝以有名無實特旨廢之

仁宗嘉慶四年□月罷諸王總理部務

八年秋八月增設滿洲起居注二

清史紀事本末卷二十

文字之獄

聖祖康熙二年夏五月詔舉浙江湖州府民人莊廷鑑屍其父莊胤城弟莊廷鑑均立斬初明故大學士朱國禎私著明史稿未刊而國亡家亦中落以稿本質金於廷鑑廷鑑易己名刻行之補入崇禎一朝事中有萬歷間總兵李成梁捕新建州衛都指揮王杲擒歸安知縣吳之榮方罷官謀起復因舉發其事廷鑑入賄得免廷鑑死其父胤城乃稍易書中指斥語再版刊行之榮恨計不售更購初版上之法司遂與大獄致仕侍郎李令曾為作序亦坐死且殺其四子幼子年十六法官命滅供一歲例得免死幼子不忍獨生卒不易供而死序中所稱舊史朱氏者指國禎也之榮素怨南溥富人朱佑明遂嫁禍且指其姓名以讒並殺其五子其餘書中列名及官吏失察與刊刻收藏人株連死者七十餘人婦女并給違而之榮卒以此起用並以所籍朱佑明之產給之復仕至右僉都

六年夏四月殺江南民人沈天甫呂中夏麟奇天甫等撰詩二卷語多忌諱錄名黃尊素百七十六人作陳濟生編輯吳牲等為之序持向牲之子元策所詐索財物元策察其書非故父子踐控於巡城御史以聞下法司嚴鞫以天甫等誣陷平民謀叛皆伏法諸被誣者雖事終省釋而生死多不可知矣

五十二年春二月殺翰林院編修戴名世戰學士方孝標屍時詔修明史已數十餘年而館臣採錄遺書率多忌諱致屢裁稿而未告成名世心竊痛之因著子遺錄以見其概又與其門人金生

書謂以弘光之帝南京隆武之帝閩越永曆之帝兩粵與滇黔地方數千里首尾十七八年曾不得如昭烈之在蜀帝昺之在屋史家猶得以備書其事近日方寬文字之禁而天下所以避忌諱者鴻端終明之世三百年無史豈不可嘆書中又引孝標所著滇黔紀聞稱其攷據確載是書載入其南山集中刊行已久至是都御史趙申喬疏摘其語以聞名世族皆棄市孝標戮屍其子登峰雲旅孫世樞并斬族屬僉妻發還編修汪灝方苞方正玉尤雲錫劉巖等因連獲提者凡三百餘人金生先灰死獄中申喬難構此大獄不及二年其子鳳詔以官太原知府受鉅贓伏法世宗雍正三年冬十二月殺浙江舉人汪景祺初景祺從軍青海嘗作西征隨筆有詩譏訕聖祖又為年羹堯作功臣不可為論為撫臣福敏查出入奏命立新家發遣

四年夏四月革食侍講銜名世職銜發回原籍因名世作詩稱頌年羹堯平賊功德禱帝怒親書名教罪人扁額令地方官張掛其居宅又令朝士等賦刺名世詩並諭旨一遞交名世刑刺進呈凡直省學校所在各頒一部冬十月以光祿寺卿王圖棟為浙江觀風整俗使並飭停浙省鄉會議因歷年以文字獲罪者多浙人也

五年春二月革太常寺卿鄒汝魯職發往荊州府隄工處効力因汝魯進河清頌內有舊染維新風移俗易語謂其語近讖也夏五月殺禮部侍郎查嗣庭嗣庭典試江西時題為維民所

止有訐者謂維止二字乃取雍正斬首之意繼又搜出日記於聖祖用人行政大律譏評帝大怒逮嗣庭及其子上克下於獄至是皆死獄中命剗屍梟示子漢立新子長椿大梁克璠兄慎行嗣

璠姪克念基開學俱著流三十里

七年冬十二月。殺革職主事陸生楨。劉革職御史謝濟世充當軍中管差。先是振武將軍順承王錫保先後奏報濟世註釋大學。毀謗程朱。於見賢而不能舉。兩節有行寫怨望之詞。生楨細書通鑑論十七篇。中有論封建立儲兵制等事。多抗憤不平語。至是分別治罪。

八年冬十月。殺庶吉士徐駿。駿在館時。因上書言事。於陛下之陛下。誤書作陛下。帝怒其粗率。立斥。放歸。至是檢其詩集。內有清風不識字。何得亂翻書之句。指為譏訕。命正法。

十年冬十二月。收浙江大儒呂留良及其子呂葆中屍。次子呂毅中等皆斬。留良石門人。講學鄉邦。學者稱晚村先生。或稱呂夫子。嘗以博學弘儒及山林隱逸薦誓死不就。至雞髮為僧。至是為曾靜之獄所牽及。先是湖南永興人曾靜居鄉講學。學者稱蒲潭先生。因應試瓊州城。得見留良講義。至夷夏之防及井田封建等篇。始明種族之界。遂弟子張熙至留良家。求其著述。時留良已死。其次子毅中悉以父遺書授之。詞多憤激。靜讀之益傾服。憤然棄青衿。日與留良弟子嚴鴻逵。馮遠弟子沈在寬諸人游。於是深茹種族之痛。志圖光復。時傳聞川陝總督岳鍾琪奮出宋岳飛與金世仇。將謀報復。又鍾琪兩請入覲。詔不允行。鍾琪深自危疑。云云。靜遂遣熙至陝。投書鍾琪。勸舉事。書中歷數帝弑父屠弟及戮辱功臣諸罪。鍾琪以聞。命遣靜等至京。廷訊帝以留良等罪。尚在靜等上。赦靜。熙歸。且詔地方官予以保護。鴻逵已死獄中。與留良孫中皆追戮其屍。毅中在寬均立斬。子孫遺戍。婦女入官。廣東連州知州朱振基學正王奇勛。不應設祠奉祀留良。與車鼎豐。車鼎貴孫用克周敬輿俱坐死。父母祖孫兄弟妻女坐廢。給為奴者二十三家。

十三年冬十二月。殺湖南儒士曹靜張熙。初世宗命釋靜等歸里。詔地方官紳不得將靜等暗加殺害。違者抵償。即朕之子孫。將來亦不得以其詆毀朕躬而追殺之。至是高宗嗣立。竟殺之。並詔直省停講大義覺迷錄。繳回頒發原書。論者謂世宗之頒講是書。蓋有深心。而高宗忽從而禁止之。又高宗之深心也。

高宗乾隆十八年秋七月。詔江蘇巡撫莊有恭。著照前學政任內所得養廉銀數。加罰十倍。先是乾隆十五年。有恭再視學江蘇。有浙江士人丁文彬。獻所著文武記太公望傳等書。有恭以為狂不究。縱之去。文彬復挾書至山東。投衍聖公孔昭煥。轉告撫臣楊應瑞。以聞。帝震怒。嚴旨詰問。有恭並命查取逆書進呈。有恭以文彬係有精神病人。且事隔五年。細檢原書不得。覆奏。帝斥其狡詐。姑念學政無懲辦逆民責任。今免罪罰金。

十九年秋九月。戊戌。盛京禮部侍郎世臣於黑龍江。世臣詩稿中。有霜侵鬢朽數萬遠。及秋色招人懶上朝。半輪明月西沈夜。應照長安爾我家等句。帝惡其諷懶。鳴高自擬於蘇軾黃州之謫。且卿貳宗階。有何逆窮之嘆。况盛京為豐沛故鄉。世臣係滿洲世僕。竟忘根本。居心更不可聞。故有是誣。

二十年夏四月。內閣學士胡中藻。著市。廣西巡撫鄂昌賜死。工部侍郎張泰開革職。故大學士鄂爾泰撤出賢良祠。中藻所著詩集曰堅磨生詩鈔。帝謂堅磨出自魯論。孔子所稱磨涅。乃指佛。盼而言。胡中藻以此自號。是誠何心。又其督學廣西時。試題內有乾三。又不象龍說。乾隆乃朕年號。龍與隆同音。並摘其詩句十數語。鍛鍊成獄。遂被族誅。泰開故中藻門生。又為之作序。中藻係出

鄂爾泰門下鄂爾泰嘗賞中藩之詩鄂爾泰之姪鄂昌不合援引世誼與中藩唱和又摘鄂昌塞上吟中稱蒙古為胡兒為志本黨遜故皆及於禍旋降嚴旨禁八旗滿洲人學習漢文及與漢人唱和論同年行輩來往

二十二年秋七月賜原任浙江布政使彭家屏死殺河南生員段昌緒司存存司淑信昌緒家中存有吳三桂檄昌緒為之滾圍密點加評賢黨家屏收藏明李野史潞河紀聞日本乞師豫變紀略的中志南邊錄等書又所刻族譜大彭統紀牽引得姓之始為黃帝苗裔其命名曰大鼓與果朝國號同一稱謂譜中凡遇明神宗年號於帝御名皆不閱蓋謂其目無君上已極賜自盡並族昌緒等

二十九年秋九月殺秦州知州賴宏典以託人謀幹違官書中有點兵交戰不失軍機諸語指為逆詞命正法

三十二年冬十二月磔浙江諸生喬周華周華以黨呂留良違戾錄刻其書撫臣熊學鵬摘其中忌諱語以聞並証原任禮部侍郎齊召南拘隱逆詞等罪詔磔周華落召南職

三十三年春二月以已故謝濟世所著梅莊雜著中多怨望語飭令江西撫臣宋邦綬檢其書及版三月命江西巡撫吳紹詩銷燬已故李紱李任漢傳占衡所著各書版

三十四年夏六月以已故錢謙益所著初學集有學集其書版均著銷燬因集中於國語雜髮兩事多痛詆語也

三十七年春正月詔直省購訪古今著作進呈



三十九年秋八月。催織直省織書。冬十一月。廣東總督李侍堯查出已故屈大均詩文進呈。其詩集中有大部宮詞三首。多紀順治朝掖庭秘事。命銷毀尋閱文內有雨花臺拜衣冠之事。命確訪其處。速為創毀。無使倖遺。緣久留黃土云。

四十年春正月。替遺呂留良之孫呂然兼曾孫呂敷光往黑龍江。給與窮披甲人為奴。因其為大逆緣生之犯。不合捐納監生也。冬閏十月。詔毀編行堂集。皇明實紀。喜逢春傳奇。各書編行堂集。為僧澹歸即明給事中金堡所著。皇明實紀一名皇明通紀。及喜逢春傳奇。皆東莞陳建即江寧天笑生所撰。收議諸書之高東遠成。

四十二年冬十一月。遣江西舉人王錫侯至京。下於獄。新昌王錫侯剛改康熙字典。另刻字貫其序文。凡例。將聖祖世宗及帝御名開列。帝大怒。逮獄論死。巡撫至監司均革職。

四十三年夏四月。山西舉人王爾揚為同邑李範作墓誌。於考字上用皇字。巡撫巴延三捕復嚴審請旨。帝謂爾揚迂儒。用古並非叛逆。免誅。冬十月。戮東台舉人徐述夔及其子徐懷祖屍。具

孫徐食田徐食書並斬。述夔所著一柱樓詩中。詠正德杯云。大明天子重相見。且把壺兒擲半邊。帝謂壺兒即胡兒。又有明朝期振翻。一舉去清都之句。帝謂其顯有欲興明朝去清朝之意。遂大

怒。命與懷祖俱戮屍。食田食書及校對徐首髮沈成濯。藩司陶易與養友曉。皆生死。知府謝啟昆知縣涂濯龍俱革職。戮前禮部尚書沈德潛屍。德潛于告歸。帝以己著詩集。委之改訂。頗多刪

潤。德潛死。謂其詩集進呈。則平時為帝點竄及捉刀之作。成錄焉。帝大恚。命革去官爵。諡典。撤出鄉賢祠。撲毀所賜祭并碑文。尋閱其詠黑牡丹詩。奪朱非正色。異種也。稱王之句。指為逆詞。今刻棺

到底 江蘇鎮江縣民常玉儀於其父行述內有於佃戶之貧者故不加息並救屢年積欠之糧  
其臣楊魁捕獲下獄同時寶山縣職員范起鵠家藏書林集江西士人李維河南致任主事余騰  
蛟皆以逆詩逮案不實免究

四十四年春二月降福建巡撫黃倫為直隸正定府知府以檢不應刊刻其祖父廷桂奏稿且載  
入世宗及帝硃批也 夏四月復自隸民人智天豹帝謁陵回京師天豹使其徒張九霄於道傍  
呈獻大清天定逆數一本中編大清天號三十餘條而於乾隆年號僅及五十七年而止又於聖  
祖廟諱直書不諱命立新九霄斬監候

四十六年夏四月絞殺在籍大理寺卿尹嘉銓帝自五台山還至保定府嘉銓使其子肅表赴行  
在為父命一請諡且乞從祀孔廟帝怒其狂妄交刑部治罪隨據部查出嘉銓所著各書中多狂  
悖之語坐絞立決

編者曰自康雍間屢興文字之獄時因天下初定人心未一人主為自衛計或非不得已至乾隆  
朝各案毛舉細故株連滿庭於是比附妖言告訐詩文之事紛然而起御史曹一士嘗疏論之  
略謂比年以來小人不識朝廷誅殛大憲之故往往挾持睚眦之怨借影響之詞攻訐詩書指  
摘字句有司見事生風多方窮竊或致波累師生牽連親故破家亡命甚可憫也臣愚以井田  
封建不過過儒之常談不可以為生今反古迷懷詠史不過詞人之習態不可以為援古刺今  
即有序跋偶遺紀年亦或草茅一時失檢非必果懷悖逆敢於明布篇章使以此類悉皆比附  
妖言罪當不赦將使天下告訐不休士子以文為戒殊非國家表以正法仁以包蒙之意云云

觀此則當時文禁之森嚴究獄之繁重益可知也

清史紀事本末卷二十一

鴻博經學諸特科

聖祖康熙十七年春正月詔舉博學鴻儒備顧問著作之選時海內新定明室遺臣多有存者居恒著書言論慷慨然有故國之思帝思以恩禮羅致之至是諭吏部凡有學行兼優文詞卓越之士不論已仕未仕令在京三品以上及科道在外督撫布按及學政各舉所知以應將親試錄冊十八年春三月其被舉博學鴻儒者於體仁閣試以詩賦先是十七年詔旨既下勝國遺老率皆蟬脫鴻網網羅無自而平時以逸民自居者爭趨草韞惟恐不與於是內外諸臣疏薦一百四十三人送朝其不至者僅直隸杜越浙江應揚謙江西魏禧山西范鄆鼎傳山陝西李嗣六人而已帝見應舉者踴躍奔赴乃大悅詔戶部月給俸廩至是親試之體仁閣試題塔璣王銜賦省耕詩五言排律二十韻得士五十人彭孫遘倪燦張烈汪霏喬萊王項齡李因篤秦松齡周濟原陳維崧徐嘉炎陸采鴻助錢中諤汪楫袁佑朱奕尊湯斌汪琬邱象隨列一等李來泰潘耒沈珩施閏章朱漢雲黃與堅李錕徐欽沈均周慶魯尤似范必英崔如岳張鴻烈方象瑛李澄中吳元龍龐璵毛奇齡錢金甫吳任臣陳鴻緒曹宜溥毛升芳曹永繁馮高詠龍興邱吳遠嚴繩孫列二等俱授為翰林院官纂脩明史時以得第者授官過優至外間有野翰林之目又值斯開捐例由資郎得官者甚眾胡士尤多反目故其宸衷有句云北闕已除翰墨錄西山猶貢采薇人皆以為實錄後高士奇進三不知之說於帝前以譏百四十三徵士帝意寔哀一時諱然謂與唐李林甫衣冠野無遺賢無異。

世祖雍正十一年。及四月。詔在京三品以上。及外省督撫。會同學政。薦舉博學鴻詞。自康熙朝。獎勵文學。以和國中之言。論思。析疑。統一之政。帝欲循故事。以採羅人才。乃詔下兩年餘。寂寂不聞有應者。則以近十餘年。才。學。與。文字。之。獄。舉。世。學。者。莫。不。兢兢。舍。八。股。試。帖。外。一。切。學。術。鮮。有。研究。之。者。又。戶。部。侍。郎。李。紱。前。在。康熙。十七。年。以。多。保。弘。博。錫。賞。後。無。復。敢。為。舉。主。故。終。帝。之。世。盛典。迄。未。能。舉行。

十三年冬十一月。詔。准。大學。士。九。卿。督。撫。保。送。博。學。鴻。詞。人。才。原。作。弘。備。避。高。宗。諱。改。鴻。詞。是。年。秋。八。月。帝。崩。高。宗。副。胤。首。以。稽。古。右。文。為。務。欲。開。第。二。次。博。學。鴻。詞。科。乃。下。詔。曰。皇。考。樂。育。萃。粹。特。降。諭。旨。令。直。省。督。撫。及。在。朝。大。臣。各。保。舉。博。學。鴻。詞。之。士。以。備。制。作。之。選。乃。直。省。奉。詔。已。及。二。年。而。所。舉。人。數。實。寡。朕。今。再。為。中。諭。凡。在。內。大。臣。及。各。省。督。撫。務。宜。悉。心。延。訪。速。行。保。薦。定。於。一。年。以。內。齊。集。京。師。候。朕。延。試。倘。直。省。中。實。無。可。舉。亦。即。具。本。題。覆。

高宗乾隆元年。秋九月。御試博學鴻詞百七十六人。於保和殿取十五人。一等劉綸。潘安禮。諸錄于振。杭世英。拔翰林院編脩。二等陳兆登。劉玉麟。夏之若。周長發。程恂。授檢討。楊度。汪廷芳。汪士鋐。陳士璣。齊召南。授庶吉士。

二年。秋七月。補試。續到博學鴻詞於體仁閣。得萬松齡。張漢。朱銓。洪世澤。四人。授翰林院檢討。庶吉士有差。

十四年。冬十一月。特旨。令。大學。士。九。卿。督。撫。選。舉。潛。心。經。學。之。士。不。拘。進。士。舉。人。以。及。諸。生。退。休。閒。廢。人。並。慎。重。選。該。務。擇。老。成。敦。厚。純。樸。淹。通。之。士。以。應。

十六年夏六月。諭保舉經學之吳鼎。於錫璵所著經學各書。著派翰林中書各二十篇。在武英殿各繕寫一部進呈。旋授吳鼎。梁錫璵為國子監司業。秋八月。諭保舉經學之陳祖範。顧棟高。年力老邁不能來京。俱著給與國子監司業職銜。以為績學之功。按順治康熙間。天下思明。反側不安。聖祖一開宏博科。再設明火館。後置遺佚。徵辟入都。位之以一清秩。一空名。而國中帖帖然。戢戢然矣。高宗踵而行之。前後兩舉特科。復開四庫全書館。以提倡偽學。於是士子相率習於無用。民氣日靜。廉恥日喪矣。然其一代文物。則以兩次鴻博諸儒。筆墨所鼓吹者。最為有力。其餘科目中人。亦皆以重熙累洽。風動當時。遂使漢人專親之誦。油然而起。蓋兩帝之所以文柔民族者。得其道也。故能著有成效如此。

清史紀事本末卷二十二

諸儒出處學問之榮

聖祖康熙十四年夏四月谷城處士孫奇逢卒。奇逢字鍾元明萬歷庚子舉人少與東林諸子游以氣節相尚其學術以象山陽明為宗更和通朱子之說為理學宗傳特表周程張邵朱陸薛王及羅念菴顧涇陽為十一子別為諸儒攷附之圖變後入易州五公山康熙八年渡河至蘇門水部卽馬光祿奉以夏峯田廬遂移室居之。奇逢子弟躬耕四方未嘗願留者亦授田使耕所居歲餘前後凡十一徵皆不起。至是年九十有二。四子博雅字君儉最知名當以隱逸徵力辭平生重孝友及卒士林高其義稱文孝先生時學派與奇逢相近者如李顥傅山顧炎武黃宗羲王夫之顏元劉獻廷諸人外尚有祁州刁蒙吉包山陰劉伯繩均無錫高宗研世泰餘姚沈求如國樸仁和沈向華均而專治朱學者有若太倉陸稼書世濟濟南張萬庵爾以桐鄉張揚國履祥又仁和應潛齋搗諫南豐謝約齋文海絳州李閻章生光范山朱伯廬用純諸人派別雖不同要皆各尊所聞無門戶之見也。

十八年春三月試內外薦舉博學宏儒於體仁閣李顥傅山杜越辭不起顥字中孚晚自署曰二曲陝西藍屋人以昌關學為己任言學者當先觀象山慈湖陽明白沙之書闡明心性直指本初然後取二程朱子及康齋敬軒涇野整庵之書玩索以盡踐履之功始以隱迹薦纒以宏博徵皆辭以疾至是有旨召試大吏趣行因辭疾篤拜其林至卷則絕粒六日至欲拔刀自割大吏駭而止因嘆曰生我名者殺我身此皆生平洗心未瀝不能自悔之所致也自是荆扉反鎖不得與人

持所著書不以示人。以為進於口耳之學。惟以反身錄示學者。晚年因兵亂。遷寓富平。與邑人李天生因篤。鄜縣李雪木相稱。關中三秀門人王心敬號澧川。鄜縣人。能傳其學。兩舉賢良方正。皆不赴。山字青主。山西陽曲人。鼎革後。朱衣黃冠。居土穴養母。而仰視天俯察地。未嘗一日止。有問學者。則告之曰。老夫學在列者也。於此間。訪仁義事。實羞道之。或強以宋諸儒為問。則曰。必不得已。吾取同輩。至是以給諫李宗孔薦。固辭以疾。有司迫之行。將至京。以死拒不入城。命閣臣馮溥率公卿出迎。堅卧林下。不復為禮。憲臣魏家樞乃以其老疾上聞。詔免試。放歸。並加中書舍人。溥因勸其入謝。不可。令賓客百輩說之。遂稱疾篤。使并以入。望見午門。淚涕落下。溥掖之。使謝。則仆於地。家樞急進曰。止。止。是即謝矣。翌日歸。軍輔以下皆出城送之。嗚呼。今而後其脫然無累哉。既而大替日溥曰。使後世或妄以劉因輩贊我。且死不瞑目矣。聞者咋舌。趙字君異。谷城人。明諸生。家居教授。不求聞達。毅然以蠟往。開未為己任。一時才俊士。無遠近。咸師事之。至是強起入都。與溥山同加中書銜。以疾解歸。時同徵者。尚有軍都魏叔子禱。長洲蔡九霞。方炳。錢唐馮山公。皆不至。

二十年春正月。明遺臣顧炎武卒。炎武字寧人。學者稱亭林先生。江蘇崑山人。國變後。以諸生首倡義里中。贊魯王監國事。既不克。更欲赴海上。通鄭氏。道梗不前。遂浪游秦晉齊豫。然代淮浙。凡六謁孝陵。六謁思陵。所至扼塞。皆呼老兵。追年詢曲折。晚居陝之華陰。謂其地臨關河之口。有警入山守險。不過十里之遙。若志在四友。則一出關門。亦有進退之便。因置田五十畝於華下。供養。而東西開道。所入列貯之。以備有事。閣臣熊賜履等。先後為應宏博。修明史。皆貽書。冀以身殉。



得免。年六十有九。撰者孫嵩。其特別者。曰日知錄。為一代學術所從出。天下郡國利病書及肇域志。至今供學者參攷之。他如音學五書。金石文字記。皆表表者。平生恪守母訓。不臣他族。奔走國事數十年。而卒無所補救。其志亦可悲已。一時同志有黃宗羲。王夫之。顏元。劉獻廷。時稱五志士。宗羲字太沖。學者稱梨洲先生。浙江餘姚人。明崇禎末。闕臣周延儒薦為中書。辭不就。畫江之役。糾里中子弟數百。號世忠營。從孫嘉績等倡義。江上軍敗。結寨自固。後到馮京第。乞師。日本。開轉徙。垂二十年。奉母返里門。畢力著述。其學以濂洛之統。綜合諸家。橫渠之禮教。康節之象數。東萊之文獻。良齋止齋之經術。水心之文章。莫不旁搜交通。康熙十七年。有擬以宏博薦者。庶常陳錫嘏曰。是將使先生為燈山九靈之殺身也。力止之。徐元文薦之。脩明史。亦固辭。詔錄其著述以進。所著如明儒學案六十二卷。三百年儒林之數也。明夷待訪錄之原。荅原臣諸篇。幾奪虛板民約之席。餘亦有法治之精神。律呂新義二卷。後此言律學者皆祖之。句股圖說。關方命算。測圖要義。共若干卷。其後梅文鼎本。周髀算經。世繁為絕學。可此書有以啟之。康熙三十四年。年八十有六。弟宗炎。字晦木。宗會。字石田。所學同。子百家。字圭一。能世其學。夫之字而農。湖南衡陽人。明崇禎壬午舉人。永歷建國。授行人。轉徙楚粵滇黔諸省。緬甸既覆。遂自晦匿。浪跡榔水。連邵間。最後歸衡陽之石船山。築土室曰觀生居。及夕杜門。學者稱船山先生。平生崇拜橫渠。所著正蒙注。思問錄。讀通鑑論。宋論。黃書。諸種。能通大人之故。發民權之理。皆傑作也。兄介之。號石崖。壬午同鄉舉。後值國變。遂隱居不出。子故。字虎止。博學有文名。元號習齋。直隸博野人。有弟魯。善射。常折竹為弓。以勝劍客。格控地村。中六的。日與其徒肆於射圃。終身不冠。其學專標忍嗜。欲告

筋力之旨。為學道不二法門。其著述往往嘆息於宋之亡。才士摧折。不盡其用。其志可知。已。有存性存學存治存人四篇。以是為孔子之學。而自別於程朱。其高弟弟子。如縣李剛主。璠。大興王崑。純源。皆多所著作。獻廷疏。雖社。先世本吳人。寄籍大興。故足跡多在江南。浪游數十年。幾盡中國之強半。而蹤跡詭異。有類於秘密運動家所為。其學主於經世。自家律律。邊塞關要。財賦軍政之屬。旁及岐黃釋老。家言靡不研究。自謂於聲音之學。別有所窺。嘗作新韻譜。以華嚴字母為本。而參之以天竺陀羅尼。泰西蠟頂。一拉丁。一小西天梵書。一西藏一暨天方。一阿刺伯。一蒙古女真等音。又發明地理學。謂地理與軍治有密切之關係。所言與泰西地理家同。惜所著書多散佚。傳者惟廣陽雜記一書。平生講學之友。王夫之。王源。兩人外。有南豐梁贊人。俗無錫。顧昀。滋培。而尤心服者。則南昌彭躬庵。士望。同時學派與諸人相近者。尚有連縣唐錡。萬鈞。若有潛書二篇。四卷。能發民權公理。太倉陳確。卷湖。嘗編全史。為四大部。以政事人文別之。皆手抄熟讀。能背誦。其他著述。關於農田水利兵法者尤多。天門胡石莊。承諾。有解志六十一篇。無錫顧景范。祖禹。有讀史方輿紀要百二十卷。

四十三年。夏六月。太原處士問若璠卒。若璠字百詩。明諸生。著尚書古文疏證八卷。定東晉晚出。二十五篇之偽。今年六十有九。同時以經師稱者。有胡渭。萬斯大。萬斯同。馬驥。渭字東燕。浙江德清人。著禹貢錐指。謂漢孔安國。唐孔穎達。宋蔡沈。諸作。於地理多疏舛。乃博引羣書。以辨九州山川形勢。及古今郡國分合異同。且為圖以表之。斯大字充宗。鄞縣萬氏八子。皆黃宗羲高座弟子。斯大於兄弟行為第六。自幼不事科舉。博極羣經。尤精春秋三禮。為禮書三百卷。春秋說二

百四十卷。同邑李采堂郵制膏曰。說經無雙。名擅八龍。皆有德明。今見充宗。斯同。斯大。李兼字。李野。學者稱石園先生。精史學。尤熟於明代掌璽。曾以宏博。慮力辭免。後就明史館席。不受官俸。自言欲據國史權。以報故國。及卒。門人私誣曰。貞文著稿。皆為弟子錢名世持去。其請禮道。攷明史稿。又為徐乾學王鴻緒據稱。已作刻之。 曠字兒斯。山東鄒平人。著有左傳事緯及緯史。四十四年。及閏四月。召見宣城處士梅文鼎。文鼎字定九。少與弟文鼎共習天算學。著書二十九種。四十一年。帝南巡至德州。命取其書留覽。至是。帝再過德州。命入對。出御製曆算書與高拱留舟中。凡三日。帝語撫臣李光地。稱為絕學。初。文鼎習算時。增淄川薛儀甫鳳祚。吳江王寅旭錫蘭所著算書。皆有心得。尤折服於錫蘭之晚庵新法。後帝製曆象。攷成。多出文鼎手。皆蓋本於錫蘭矣。

編者曰。清初諸儒。以實政實用之學相倡率。一時風靡景從。明季詭辨空想之弊。幾絕。自有所謂以名臣兼名儒。如魏象樞。魏裔介。熊賜履。陳鼎年。陸隴其。張伯行。諸人者。相與革心力於舉業。或侈諱性理。以鳴高。舉先王經世有濟之學。一概目為迂闊。而不講門戶。錯出。人才亦日卑。遂使天下有乏材之嘆。至若徐乾學。緣佞倖以進。固不知學。時值國人思明。反側不安。清廷為收拾人心計。於是徵隱逸。舉宏博。開明史館。蒲輪四出。厚貺姬言以求之。曰尊覽曰求才。乾學即利用此時機。汲汲焉。搜剔山林。以相迎合。或以利祿相款動。或以威勢相迫。命鴻臚吳其。其人何巖。致令亡明忠義士。有讀書行道數十年。而不得全海上之節者。噫。可痛也。湯斌誘殺明舊將李玉。廕李光地。曹友陳夢雷。以滅耿鄭。皆以是獲寵。資顧二人。日諱忠孝。未幾聖祖以欺

君斥賦。臺臣以忘親命位劫先地矣。其人應不齒於士列。而皆爲附於朱程陸王。以大儒聞於時。不亦欺世已甚哉。毛奇齡以雕蟲炙輶之才。累緣得預詞翰。既貴。徇仇其師友及宋明前哲。凡思彼者皆忘報之。且棄其婦。致婦陳告其門人。張布氏謂奇齡作七言八句。亦必猶祭乃成。奇齡復對客還誦之。其僂薄無恥。至於此極。人且以儒者尊之。不諒甚矣。故論當時學界。蓋賦前莫惡於湯李輩。以偽君子相率。後莫醜於奇齡等。以真小人自蒙。一代學士。節義風微。殆由此始乎。

高宗乾隆二十三年。及五月。處士惠棟卒。棟字定宇。江蘇吳江人。幼承其祖周惕父士奇家學。自經史諸子百家。雜說釋道二藏。靡不津逮。所著如九經古義。周易述。明堂大道錄。古文尚書攷。左傳補注。皆精博有心得。時經學盛行。分吳皖兩派。棟爲吳派開祖。而其先已有長洲何義門。沈歸愚。德茂。吳江沈冠雲。形。陳少章。景雲。皆尚通洽。雜治經史文辭。棟之弟子最著者。同邑江良庭。蘇。余古。農。蕭。容。嘉定王。西莊。鳴。顧。錢。竹。汀。大。昕。青。浦。王。蘭。泉。祖。江。都。汪。容。甫。中。劉。端。臨。台。拱。蕭。容。弟。子。江。鄭。棠。庵。亦。知。名。皖。派。領。袖。曰。戴。震。字。東。原。休。寧。人。少。受。業。藝。源。江。慎。脩。承。後。從。棟。游。傳。其。學。著。孟。子。字。義。疏。證。方。言。疏。證。攷。工。記。圖。聲。韻。強。聲。類。表。爾。雅。文。字。表。餘。闕。於。曆。并。水。地。之。著。述。猶。多。其。論。求。學。以。識。字。爲。第。一。義。識。者。建。之。以。舉。人。召。入。纂。脩。四。庫。全。書。其。書。目。提。要。大。部。分。皆。出。其。手。而。以。紀。昀。尸。其。名。也。其。鄉。里。同。學。有。聲。稱。者。金。輔。之。榜。程。易。榜。瑤。田。後。有。凌。次。仲。廷。堪。及。胡。棟。衡。區。震。胡。文。水。承。珙。胡。竹。邱。培。薰。其。弟。子。著。者。興。化。任。幼。植。大。橋。餘。姚。盧。抱。經。文。弼。曲。阜。孔。異。軒。廣。森。其。尤。著。者。金。壇。段。若。膺。玉。幾。高。郵。王。懷。祖。念。孫。念。孫。子。伯。中。引。之。德。清。俞。蔭。甫。樾。丹。徒。

馬肩叔建忠。繼起者郝懿行、桂馥、侯康、陳澧、馬瑞辰、陳立、陳奐、劉文淇、鍾文燕、劉寶楠、焦桐、龔麗正、朱右曾、陳喬樞、齊詩異、時有吳琬、派樹敵者為桐城派。派中巨擘為姚姬傳、羅翯善為古文辭。敵其鄉先輩方望溪也。而受法劉海峯大樞及其世父蕙塢範鼎之弟子方植之、東樹嘗與兩派批駁。著漢學商兌、辨學之不遺餘力。其文辭斐然。而其學則非惠戴敵也。又有浙東派者。以餘姚邵晉涵、鄞縣全祖望、會稽章學誠為其派中鉅子。晉涵私淑其鄉人王守仁、劉宗周、黃宗羲之學。於經派三傳及爾雅於史尤熟。明代掌故與脩四庫全書及國史為文奧衍淵懿。學者宗之。稱二雲先生。祖望字澍山。甫釋褐即告歸。主蕺山瑞藻書院講學之暇。廣脩粉社學社。桑海遺聞表章節義。如不及學誠字實齋。有文史通義。餘如陽湖趙岐、北翼瑞、金羅臺山有高、吳縣汪大紳、檇長洲彭尺木、紹興皆與此派畧近。

編者曰：乾嘉之間。一經學昌明之時期也。諸經師家疏注之宏博精確。有足與國學俱不朽者。如吳派皖派是已。桐城文士。乃自附於程朱。而究無以傳。非理學家。亦非經學家。其間有實應王、白田、懋茲者。於治朱學。殆庶幾之。著有朱子年譜致異錄。善化唐鏡海鑑。雖以幼琦善者。英輩者直聲。足觀風骨。而所為學案小識。專持門戶。識者頗隘陋之。浙東源出姚江。邵全羽、翼南。需存其一線。功亦偉已。他如陳宏謀、揚名時、朱載堉、孫嘉淦等。皆以朱學自鳴。於學界實無有影響。至紀昀、阮元、畢沅輩。鼓吹漢學。似亦甚力。然位高任重。僅於文學政事之餘。偶得以閒治經。著述每多假手。故皆不能自名其家。無足道也。

道光二十二年秋七月。仁和龔自珍卒。自珍。履正子。號定盦。己丑進士。官禮部主事。幼從外氏段。

玉裁受小學及長從陽湖劉申受達祿受公羊春秋自武進往方耕存與治經學約取春秋公羊傳達祿傳其學為公羊釋例故自珍經學皆挹自莊烈於史則長西北輿地益得自其益友桐鄉程春廬同文及其前輩大興徐星伯松者其人卓犖有英氣生值承平舉國醇養獨儻然若有重愛以事忤堂上官乞養歸居二年父子前後五月辛年五十歲有文集三卷續集四卷集中諸篇於專制政體深致嘆恨又明社會學故其為文每導人以思想自由自言生平不蓄門弟子嘗賦詩見志有但開風氣不為師之句時與齊名者有魏源稱其魏源字默深湖南邵陽舉人官高郵州牧始治經已更悉心時務尤精輿地學著有詩古微書古微公羊微春秋繁露注等書又有海國圖志獎勵國民對外之觀念日本平象山吉田松陰西鄉隆盛等皆為是書所激刺以有尊攘維新之事與龔魏相先後而以明經聞者尚有陽湖李申者北洛長洲宋于庭翔鳳仁和邵位西彭辰姚平泉光晉善化孫鼎臣詒讓皮鹿門錫瑞

德宗光緒二十四年夏四月召見工部主事原有為有為字廣庭號長素廣東南海人幼承其祖贍脩家學童時便有志於聖賢里中人戲呼之曰聖人為蓋以其開口輒稱聖人而其名有為也長游於同邑朱九江次琦之門既又潛心佛典獨居西樵山四年出為汗漫遊北出山海關金萬里長城南游江漢東謁孔林遂浪跡燕齊楚吳荆襄間繼而西泝江峽如桂林歸設齋舍於粵城之長興里說講學於桂林其學以孔學佛學宋明學為體以史學西學為用其教科如音學至兵式體操諸科無不備前後凡九上書皆不達兩開會於京師曰強學曰保國皆不久為政府所禁狀自是名滿天下崇科之者稱之曰康先生或曰康南海至是以大學士翁同龢尚書李瑞榮侍

郎張蔭桓學士徐致靖給事中高燾曹先後疏薦遂召見尋命在總理各國事務衙門行走帝方銳意變法於其言無不納故多所計畫至八月政變已先期奉詔出京以英艦保護出險其弟廣仁門人林旭及楊深秀楊銳譚嗣同劉光第等六人皆被殺同蘇奎職管求端徐蔭桓連成新疆致靖永遠監禁既至美洲聯合海內外同志初新會以圖將來後遂有庚子七月漢口之役其為國事亦可謂電勉盡瘁矣所著有公理通孔子改制政春秋三世義大同學說弟子最著者梁啟超廣東新會人字卓如號任公光緒二十一年春中東和議成啟起時在京師代表粵省公車百九十八上書陳時局不報明年至上海任時務報主筆著變法通議西學書日表等書又明年使臣黃遵憲伍廷芳饒吏王文韶張之洞大理御成宣懷前後薦辟皆不就湖南巡撫陳寶箴督學江標聘主湖南時務學堂講席其講學注重精神教育漢口之役烈士林述唐李虎村炳霏等均一拜環於樹珊鍾浩皆出於其間其在湖南時值省中初設南學會湘報其贊畫之力尤多至是年五月以侍郎徐致靖及總理衙門交章薦被召見命辦理大學堂譯書局事務及八月政變以日人仗義出險既至日本設清議報暨學校於東京尋初維新報於及成天島二十六年六月間拳亂急迫逸欲有所圖至滬之明日漢口難作去適香港游澳洲復至日本設新民叢報國風日報新小說其著述列行者為做水室文集秋八月設京師譚嗣同等詞同字復生號杜飛湖南瀏陽人少有其質於學無所不窺而以日新為宗旨嘗為致據箋注金石刻錄詩古文辭之學尤好讀中國古兵法後悉棄去究心泰西天算格致政治歷史之學皆有心得弱冠從軍新羅遂往來於直隸新疆甘肅陝西河南湖南北江蘇安徽浙江臺灣各省中日戰事後益發憤提倡新學

設學會於瀏陽旋以父命就官金陵為候補知府需次一年閉戶著述成仁學一書時義軍陳寶箴換湖南慨然以湖南開化為己任與按察使嘉應黃遵憲督學仁和徐仁鑄前學政元和江標謀大集志士於湖南辦新政以為諸省倡從嗣同歸秘辦湖南內河小輪船商辦礦務湘粵鐵路時務學堂武備學堂保衛局南學會湘報皆其所倡論筆畫者即任之為南學會學長每蒞會演說慷慨論天下事聞者無不感動一時風氣大開其功居多是年七月以侍郎徐致靖薦入對擢四品御銜軍機章京與楊銳林旭劉光第同參預新政稱曰四軍機至是政變同被逮難將作之前一日日本志士數輩力勸嗣同東遊不聽強之則曰各國變法無不從流血而成今中國未聞有此此國之所以不昌也有之請自嗣同始遂及於禍年三十有三所著書仁學之外有家天一閣文井翁發齋詩遠遺堂集外文興昇學議思緯吉山臺短書壯北樓治事秋兩年華錄叢書劍經衍葛印錄各種又政論數十篇皆見湘報及與所友論學論事書數十篇

二十九年秋八月江西巡撫夏時奏請延聘湖南舉人王闈運為江西學堂總教習從之闈運字壬秋學者稱湘綺先生湘潭人鄉舉後益刻志經史無意進取自同治至光緒中葉屢被薦徵不赴殫心著述成湘軍志一書固知名早咸同諸將帥曾國藩駱秉章胡林翼左宗棠丁寶楨彭玉慶之流皆折行輩與打忘年交故是書述當日戰事無異目擊至詳疏事定書亦放出在事諸人尤以先親為快爭購之然所志皆直筆無阿好於曾氏即多訛詞紀實也國藩弟國荃及國藩門人李元度至欲燬其書以風行廣懸重資以取容有應者今存書猶十之八九焉其價值可知已前後徇所友及邦人士之請主講四川尊經書院八年衡州船山書院十年思賢講舍三年以



其暇編注厚經成詩補楚周官儀禮記義等書。至是以江西開辦學堂。巡撫夏時疏請聘充主教。奉入報可。子代豐幼慧。年平代功績最著。最知名其弟子尤著者。曰慶平。字季平。四川井研人。釋褐後不樂史職。改就教諭。受師說以公羊治六經。而史附益之。著書及百種。原有為繼起治公羊。其淵源頗出自此。平人有孔經哲學發微四卷記。為最近之作。其友樂至謝無量為之序。以刊行。三十三年。春二月。詔已故翰林院編脩俞樾生平學行事蹟列入國史。翰林院編脩俞樾。字蔭菴。浙江德清人。學者稱曲園先生。道光庚戌進士。以編脩視學河南。忤時相罷歸。閉門抱經。著述甚富。曰春在堂集。

末帝宣統元年。冬十二月。賜游學專門。嚴復進士。命辦理編訂名詞館事務。復字佑陵。號幾道。福建侯官人。游學美國二十餘年。譯有赫胥黎天演論。斯密亞丹原富等書。時算術家著者海軍李士叔善蘭譯有幾何原本。金澤華若汀術算譯有奈端數理。

編者曰。吾國人之思想。受束縛者幾二十年矣。龔魏崛起。以今文治經。導人以入思想自由之途。徑實為後此開闢新學界之一徵兆。自是厚經今文說皆出。而王康集今學之大成。康譯接踵而興。倡言改革。忠國人以思想界之感化。而後國人思想界之前途。抱有無窮之希望。復有嚴氏者。負友赴滬。歷數十寒暑。轉輸泰西新學而歸。以餉我國人。我國人之思想。遂日以大進化。而不已。溯及因緣。非食諸氏之賜歟。